

宛陵先生詩集

寒

詩



宛陵先生文集目錄卷第八

汝州後詩

夏日晚登許昌湖

故原戰

西湖閉塞

感二鳥

舟次寄故

夷石曼卿

汴水斗城寄彦國

望仙亭

藏書印

許昌晚晴

故原戰卒死復蘇

寄謝師直

古相思

送曇穎往廬山

醉中留別永叔子履

陪遊女郎臺寺

陪遊莊生臺



淮上雜詩六首

赴雲任君有詩

宋諫議遺白鵝

金山寺

瓜洲對雪

金山二僧携茗至

淮南遇梵才上人

送標陽朱宰

和長吉上人相遇

歲日旅泊

寄題梵才安隱堂

農難

舟中值雨

題刁經臣山居

和謝裴君見過

甘露寺

和刁經臣有感

春日舟中對雪

和達觀禪師見寄

和刁太博新墅十韻

發陶莊

發丹陽後寄徐元與

湖州後詩

胡武平遺牡丹

題滕學士書堂

送劉成伯還都

送舍弟赴都

訪報本簡長老

各祝秘校見寄

目錄終



宛陵先生文集卷第八

夏日晚晴登許昌西湖

新晴萬柳齊鶯度水東西城上明殘照雲間桂斷  
霓煙浦勻若翦沙岸淨無泥菓馱繁枝重人乘小  
駟低嵐光開翡翠湖色漫玻璃只欠朱藤密如過  
菴畫谿

許昌晚晴陪從過西湖因詠謝希深蘋風  
詩愴然有懷

疎雲漏斜照殘雨葉間明飛蓋城頭去澄湖水正  
平荷盛鮫客淚蔓濯野人纓公獨思康樂臨流誦



句清

故原戰

落日探兵至黃塵鈔騎多邀勳輕赴敵轉戰背長  
河大將中流矢殘兵空負戈散亡歸不得掩抑泣  
山阿

故原有戰卒死而復蘇來說當時事

縱橫尸暴積萬殞少全生飲兩活胡地脫身歸漢  
城野穉穿廢竈妖鵬嘯空營侵骨劍瘡在無人為  
不驚

西湖閑望

夏景已多趣湖邊日更佳園葵雜紅紫岸柳自欹  
斜雨氣收林表城陰接水涯愛閑輸白鳥盡日立  
汀沙

寄謝師直

憶同仲春月冒雨過穰亭聊酌山酒別獨吟夜燈  
青明朝上嶺路群岫張雲屏忽入川谷秀固非平  
生經綠竹間紅萼紫藤垂平肩春塘水泱泱野老  
髮星星田父相與至里言尚可聽始聞丹砂峯遂  
識五塊形傍瞻禹湯迹競信廟貌靈邀我陟嶢嶢  
宿霧方冥冥霑衣寒濕時襲草木馨棟宇敞絕



頂柱西列幽亭竹杯占禍福巫錦醉一噀日晏別  
雲外月出至近垆僕夫疲不進鞭策無暫停我馬  
忽顛墜君心同鶴鵠再駕體無傷扣關燭已焚自  
茲期莫逆未契心所銘忽忽揅行袂汎汎如水萍  
今來各一方安得同醉醒

感二鳥

雄雌雙好鳥託棲空樹中有蛇出傍穴噴毒氣如  
虹半夜此驚飛瞥去隨西東有喙不能達啼雲復  
嘯風迴翔隔歲月老木高童童眼生衆禽噪雖近  
未由通昨朝煙雨晦並翼共向幽叢鷹鷂尚橫隼

颺意無窮

古相思

劈竹兩分張情知無合理織作雙紋篋依然淡花  
紫淡花雖復合疑岫幾千里欲識舜娥悲無窮似  
湘水

舟次朱家曲寄許下故人

藹藹桑柘岸喧喧鷄犬村晚雲連雨黑秋水帶沙  
渾稍聽隣船語初分異土言雖嗟遠朋友日喜近  
田園

送曇顛上人往廬山



潯陽幾千里無不見爐峰蒼翠入衆目崑壑少行  
蹤高僧忽獨往杳杳懷遠公嘗聞虎溪上醉令或  
來同而今競邀致幾里聞松風塵心古難洗瀑布  
垂秋虹

弔石曼卿

前時京師來對馬嘗相揖埃塵正滿衢笑語曾未  
及雖然恨莫親往往聞風什星斗交垂光昭昭不  
可挹獨哦秋露中豈顧衣裘濕酒盃輕宇宙天馬  
難羈繫今朝我還都但見交朋泣借問泣者誰  
卿竟已螿堂堂豪傑姿遂爾一棺載君生

君沒寒月八月入還復升精氣寧未集孤墳細草  
遍翠碣嗟新立

醉中留別永叔子履

新霜未落沐水淺輕舸唯恐東下遲遠城假得老  
病馬一步一跛令人疲到君官舍欲取別君惜我  
去頻增喜便步髯奴呼子履又令開席羅酒卮送  
巡陳子果亦至共坐小室聊伸眉烹雞庖兔下筋  
美盤實釘鮓栗與梨蕭蕭細雨作寒色耿耿盡醉  
安可辭門前有客莫許報我方劇飲冠幘散文章  
或論到淵奧輕重曾不遺毫釐間以辨譎每絕倒



豈顧明日無晨炊六街禁夜猶未去童僕竊訝吾  
儕癡談兵究弊又何益萬口不謂儒者知酒酣耳  
熱試發泄二子尚乃驚我爲露才揚已古來惡卷  
舌噤口南方馳江湖秋老鱖鱸熟歸奉甘旨誠其  
宜但願音塵寄鳥翼慎勿却効兒女悲  
汴水斗減舟不能進因寄彥國舍人  
朝落幾寸水暮長幾寸沙深灘鰲背出淺浪龍鱗  
斜秋風忽又惡越舫嗟初閣坐想掖垣人猶如在  
寥廓

陪淮南轉運魏兵部遊潁州女郎臺寺

舊傳媯氏女將適楚人時築館自臨水故臺空此  
基因爲楚宮媵來興使車期樓上望湖上煙林晚  
蔽虧

望仙亭 并序

壽春望仙亭廣平宋公所作也宛陵梅堯臣之官  
吳興道出其下公命賦之

公來有餘樂所樂爲郡間訟稀聊自適靜勝以紓  
顏清軒開曉幔歷歷見淮山山色洗新雨佳氣如  
可攀代異雞犬去時平草木閑試望天衢近飛駕  
應此還



陪淮南轉運魏兵部遊濠上莊生臺

周當戰國時何爲守靜正干戈旣日尋仁義固不  
競天下皆跖徒寧知聖爲聖是將萬物齊不顧千  
金聘所以忘形骸所以保性命安能小仲尼豈不  
識世病我從魏公來訪古停烏榜聊識賢者心吁  
嗟一長詠

淮上雜詩六首

宿雲未全斂微雨入船踈問伴失前後暝行隨疾  
徐相親沙上鴈自樂水中魚亭午日光遠遠  
際居

暗開淮水平遠見孤城出出舟問舟子遠對那能  
悉始聞莊生臺還想觀魚日果得真隱心魚鳥情  
非密

輕舟晚投處聒聒渚禽嘶椽子隨薪束蔬科帶土  
携岸幽雲滿石潮落蚌生泥客思無慘極唯將魯  
酒迷

野鴈不知數翳然川上鳴曾無設羅意空自見舩  
驚渺渺拍波去紛紛孤嶼盈苦寒非塞外霜落夜  
淮清

漠漠晝煙披縱橫見漁艇輕橈上急水或與飛鴻



並魚大釣絲微牽隨碧潭迥向晚得志歸浩謔山  
月靜

舟閣下灘遲蒼黃暮灘上偏愁逆水風更駕崩沙  
浪落日看已昏漁燈遠相向夜闌天轉寒坐待潮  
流漲

赴零任君有詩相送仍懷舊賞因次其韻  
湖山饒遠處曾省牧之遊鴈落葑田闊船過菱渚  
秋野煙昏古寺波影動危樓到日尋題墨猶應舊  
壁留

過揚州叅政宋諫議遺白鵝

曾遊鳳池上曾食鳳池萍乞與江湖去將期養素  
翎不同王逸少辛苦寫黃庭

金山寺并序

昔嘗聞謝紫微言金山之勝峯壑攢水上秀拔殊  
衆山環以臺殿高下隨勢向使善工摸畫不能盡  
其美初恨未遊赴官吳興船次瓜洲值海汐冬落  
孤港未通獨行江際始見故所聞金山者與謝公  
之說無異也因借小舟以往乃陟迴閣上上方歷  
絕頂以問山阿危亭曲軒窮極山水之趣一草一  
木雖未萼發而或青或凋皆森植可愛東小峰謂



之鷗山有海鷗雄雌棲其上每歲生雛羽翮既成  
與之縱飛迷而後返有年矣惡禽猛鷲不敢來茲  
以搏魚鳥其亦不取近山之物以爲食可義也夫  
薄暮返舟寺僧乞詩強爲之句以應其請偶然而  
來不得髣髴敢與前賢名迹耶

吳客獨來後楚橈歸夕曛山形無地接寺界與波  
分巢鷗寧窺物馴鷗日作群老僧忘歲月石上看  
江雲

瓜洲對壘欲再遊金山寺家人以風波阻  
臘月海風急登次巖下窻輕舟不畏浪昨日

江渡口復夕興區中無復忽牽兒女戀空聽遠

金山芷芝二僧携茗見訪

一遊江山上日日吟不足雙錫忽來過衣霜帶初  
旭况能持茗具向此烹新綠中濡水若飴北焙花  
如粟還將塵慮滌自愧冠纓東何以報勤勤馳奴  
扣雲谷

淮南遇梵才吉上人因悼謝南陽疇昔之遊  
久已馱宦旅故茲歸江南始時遠辭邑不及事春  
蠶殘臘猶在道險阻固所諳扁舟次淮海喜遇釋



子談契闊十五年尚謂卧嵒庵偶見如夙期淹留  
良亦甘歎遊獨法然懷悲情豈堪班班雲中鳥共  
看投夕嵐曷不念舊隱山水唯素耽我從湖上去  
微爵輕子男

送標陽宰朱表臣

塞上備胡羗關中調兵食秦民尚苦輸漢吏勤求  
職君今喜懷詔馳騎寧暇息其邑嘗雨金於時豈  
能得行當經灞上故事猶可憶前代多戰爭鬼火  
弄陰黑蒼蒼路傍草憔悴希春色縣涂誠有政感  
惠爲令德

次韻和長吉上人淮甸相遇

淮上一相遇憶在京都時雖驚歲月換未改松桂  
姿童侍兩三人銜錫相與隨自言東越來篋中多  
好詩文字皆妥貼藝術無傾敬前輩嘗有言清氣  
蕪人脾語妙見情性說之聊解頤始推行山學得  
非素所師此固有深趣吾心久已知橫琴乃玄悟  
豈必弄鳴絲古樂衆少聽誰知彼吹篳師曠沒世  
後伯牙衆身悲願同黃鶴舉遠歸滄海涯老驥雖  
不病長坂安可馳天台況奇勝日夕勞夢思尚黍  
齒纓綬終年趨路岐俯愧淵中魚游泳水之湄仰



羨雲間鷺凌厲辭繁維居嘗起斯念未去情不怡  
今朝更道舊感愴各頰眉同遊謝公門遠想袂露  
洩惜哉胡不仁碎彼東方琪又出數紙書手澤尚  
可披眷眷疇昔意於今當語誰復遺三百言玩味  
自挽髭序事盡成故慨吟良有資其詞句疊疊宛  
若對風規冷然聳心目不覺整冠綬重以超俗韻  
顧予賤職司是猶猿鳥情並此鴛鴦報投仍勉  
強實謬匠者為應哂不量力短兵茲已疲

歲日旅泊家人相與為壽

舟中逢獻歲風雨送餘寒推年增漸老求懷殊

歎江邊無車馬鑑裏對衣冠孺人相慶拜共坐列  
盃盤盤中多橘柚未咀齒已酸飲酒復先醉頗覺  
量不寬岸梅欲破萼野水微生瀾來者即為新過  
者故為殘何言昨日趣乃作去年觀時節未變易  
人世良可歎

寄題梵才大士台州安隱堂

巢禽託靜林潛魚戀深壑豈不能自安翔泳得所  
樂達士遠紛華於茲守冲漠堂前鳴松風堂後馥  
花萼好鳥時呼澄明望寥廓詩興猶不忘禪心  
詎云者所以得自然寧必萬緣縛未能與之游懷



幕徒有作

農難

稂莠非所殖嘉禾共一田老農實惡之豈共時稼  
捐管蔡與盜跖同氣詎能遷周公不妨聖柳惠不  
妨賢賢哉彼蕪矣取舍得其然

舟中值雨裴刀二君相與見過

江上淅淅淒淒天形接野低岸痕生舊水馬跡踏春  
泥風急侵衣重山昏卷幔迷誰驚二客論不愧  
源妻

題刁經山居時已應辟西幙

向不樂郡府遂云歸田園結廬復種藝草樹日已  
繁散帙理舊學了然無俗喧春雨一迴過覽耕登  
古原青山每自愛霽色當衡門故人苟來往名宦  
未嘗言趣適已不淺道心良亦存忽聞辟書至便  
令驅犢棘豈期同瓠瓜長繫蒿萊根始知古君子  
出處惟義敦

前者裴君雨中見過因以詩謝復承來章

輒依韻奉和

主人門下客寂寞在江浹我昨謝銅章解組猶脫  
屣前日至朱方正值春雨起君時冒雨來曾不避



泥滓林枝滴衣襟沙岸平履齒相歡了無間偶論  
通遠旨去逢交親問爲報心如冰

甘露寺

曾非遠城郭寂爾隔囂氛尚有南朝樹能留北固  
雲川濤觀海若霜磬入江濱衛國丹青在孤堂綠  
桂薰

依韻和刁經臣讀李衛公平泉山居詩碑  
有感

當時植珍木豈是昧前規廢宅長春草故山存舊  
碑已嗟良璧毀安識古松姿叔子每懷慕此心空

自知

春日舟中對雪寄刁經臣

誰道江南暖新春見雪飛鷗來親客艇花亂上人  
衣古郡地偏寂野窻寒入微戴家仍不遠欲去未  
能歸

依韻和達觀禪師春日雪中見寄

密霰來新歲春陽氣漸微侵庭草芽凍紛雜鴈行  
飛江寺誰開逕湖山我欲歸雨花無六出休怪着  
人衣

和刁太博新墅十題



靜舍

野木扶疎重復重塘蒲涵水綠茸茸琴書尤古得  
為樂休問前山有戴顓

西齋

靜節歸來自結廬稚川閑去亦多書請君架上添  
芸草莫遣中間有蠹魚

北軒

冬日迎暄此未宜苦吟那對朔風時祇誇砌下留  
殘雪不看蒼閣斗柄垂

叢杉

榦幹森然羨在庭更憐相倚自青青翠姿且有干  
雲勢豈是孤生向遠坰

松阜

勾引風聲已可聽高陰仍更接崗形知君久欲平  
心氣早晚根傍長茯苓

小舫

閑撐莫厭遲比於剗艇劣相宜漕河有處通  
岐水深入荷花人不知

移竹

遠愛檀欒碧逕開荷鋤乘雨破秋苔直須探作阮



家趣便向煙林缺處栽

花塢

雜芳春發淺深叢曲塢  
逶迤紫間紅色賤格微應  
不數少添蘭菊待秋風

綿檜

翠色凌寒豈易衰柔條堪結更歲蕤  
松身栢葉能相似勁技緣何不自持

新井

淺淺清泉自鑑開鱗鱗寒甃未生苔  
山中亭午野禽渴不畏人驚欲下來

發陶莊却寄刁經臣裴如晦

方看梅柳春共別川河上移舟人已歸  
迴首竹林望水渾不照影山遠猶相向  
聞道欲西游漢家今尚壯

發丹陽後寄徐元輿

別君忽五年相望非一日會合如夢寐  
欣喜對形質是時春已仲臨水柳未密  
載酒相與遊輕舸劣容膝禪扃竹下過  
乳井松間出烹茶覺暫醒岸幘情彌逸  
興闌乘月歸及旦解行綵離懷更宿醒  
遠想都如失



湖州後詩

胡武平遺牡丹一盤

疇昔居洛陽看盡名園花  
臨水復蔭竹艷色照彤霞  
良友相與至競飲歡無涯  
而今猶老翁鬢髮白但  
未華昨日到湖上碧水涵  
蒲芽此情頗已愜薄宦  
非初嗟况乃蒙見憐帶雨  
摘春葩雖無向時樂惠  
好仍有加

題滕學士九華山書堂

處山方畏淺曾慕結深廬  
要與雲峯近寧將野客  
踈澗苗來入俎林鳥或窺  
書何事輕茲樂而從出

塞車

公今為

送劉成伯還都

余昔困川途今非羨行者  
離心寄南風相送過平  
野既吹蓮葉舟更逐桂條  
馬中州多故人懷抱幸  
君寫

送舍弟正臣赴都

吳兒能刺舟其駛劇飛鳥  
行行因莫留望進前山  
小家貧吾不憂身計爾自  
了何當還里門拜慶期  
秋杪

訪報本簡長老



比之蒼溪來初逢下山雨雨收精舍出喜與高僧  
語門臨水若鑑萬象皆可觀清淨欲誰隣野蓮無  
處所

依韻答淮南祝秘校初春見寄

客有袖中書初憑春鶯寄春鶯不時來秋鴻今始  
至水落蒲藻寒悠悠江浦意

宛陵先生文集卷第八

宛陵先生文集目錄卷第八

湖州後詩

和胡武平懷京下

和武平望太湖

和武平憶玉晨觀

凝碧堂

送劉著作作弋陽宰

冬雷

送嚴伯遠建旌

冬日送暹上人

和宋待制九題

和說上人見訪

雪中訪烏程李宰

送劉比部

贈月上人彈琴

陪武平遊西余

和武平茗雪二水

和武平昇卞二山



送崔主簿赴青溪

和劉比部留別

送潘供奉承勛

答新長老詩編

題劉道士奉真亭

和烏程李著作四首

送簽判張秘丞

送弟和州幕

寄題徐都官假山

送吉上人歸天台

次荅公度

留題可及明心堂

陪武平游卞峯亭

送張舍人

劉彛秀才歸江南

送胡武平

迴陳郎中詩集

和武平別後見寄

新州廣濟劉主簿

和僧夏自開居

和李宰秋思

送儲令赴樂昌

隱真亭

說上人遊廬山

和元之述夢

答恭上人

和守賢晚秋書事



宛陵先生文集卷第九

依韻和胡武平懷京下游好

南國易悲愁西風起高樹枯荷復送雨度鴈寧知  
數欲問北來音繫書復若故冥飛杳無跡弋者徒  
有慕況在白蘋洲而懷石渠署石渠多故人鷓鴣  
方騫翥鏘鳴尚可希絳翼何由附主人賴知己未  
變疇昔顧棄樽豈仲尼好勇非李路幸依南郡帳  
不學邯鄲步自守終日愚都忘向時慮睽戀此江  
湖親年當喜懼既獲庭闈近又多山水趣適來對  
明月千里猶會晤長橋入絕聲舉酒逢秋露迥聞



孤舟笛煙水在何處俯檻意無涯  
跳波魚夜乳頗得真隱情  
奚須慕巢許思寄梅枝香遠隔  
蘭溪渡緘之付好風精爽亦隨去

依韻和武平九月十五日夜北樓望太湖

東吳臨海若看月上青冥河漢微分練星辰淡布  
螢細煙沉遠水重露衰空庭孤坐饒清興惟將影  
對形

依韻武平憶玉晨觀

世路多氛垢人間浪逐名是非還自喻寵辱固  
驚薄宦真何戀丹砂儻可成終尋谷口隱

其卿

凝碧堂

始至荷芰生田田湖上密復當花競時艷色凌朝  
日今來蓮已枯碧水墮秋實更待雪中過群峯應  
互出樽有綠蟻醅俎有頽壺橘可以持蟹螯逍遙  
此居室

送劉成伯著作赴弋陽宰

我昨之官來值君爲郡掾當年已知名是日統識  
面未久嗟還都始應羣公薦遂除去省郎出治江  
上縣縣劇素所聞其俗到可見水精製盤盃去冰



瑩產郊甸鳴篳斷桐梓雕飾雜寶絢有藥化銅鈿  
方士多伏鍊君今齒尚壯好學常不倦二者定非  
惑吾言亦狂狷絃歌將有餘幸可窮經傳歸來期  
著書篋楮盈百卷莫學此踈慵無能守貧賤明朝  
君當行勉勉自出錢豈無一壺酒豈無一鼎饌

冬雷

上帝設號今隱其南山下震發固有時曷常事憑  
怒春以動含生夏以奮風雨冬其息不用藏在黃  
厚土我今來江南歲曆惟建午如何小雪前向曉  
疑鳴釜蛟虵龜蟲厄鱗裂口塊吐蝦蟇不食月

瘴儂兩股天公豈物欺若此洵時序或言非天公  
實乃陰怪主掌觀古祠畫牛首抑遺鼓黑雲雜狂  
飈相與爲肺腑是不由昊穹安能順寒暑吾因考  
厥事復以驗莽鹵市井欺量衡定知不活汝元惡  
逆大倫弗加霹靂斧此豈曰無私故予未所取必  
懲竊天威似將文法侮焉顧五行錯詎畏萬物覩  
九門陳恨身無鳥羽

劉成伯遺建州小片的乳茶十枚因以爲茗  
玉斧裁雲片形如阿井膠春谿闢新色寒籜見重  
包價劣黃金敵名將紫筍拋桓公不知味空問楚



文苑

冬日送暹上人

霜風刮地如刀鎌，鳥不遠飛魚已潛。何況削髮冷  
入骨，草屨不畏冰雪霑。緣山涉水去幾里，晝鉢野  
飯誰來添。毗陵舊寺苦欲到，索我贈行無久淹。

和壽州宋待制九題

熙熙閣

初日照城樓，流暉及菌閣。上收花霧紅，下見春煙  
薄。信美是殊邦，而淹佐時略。自慙江外人，敢慕淮  
南作。

春暉亭

卉木日已發，中園日已嘉。歡言樂和景，及此鬢未  
華。春風實無幾，凌亂枝上花。山陰況暮月，俯仰誠  
可嗟。

白蓮堂

蟋蟀在秋堂，芙蓉出深水。浩露同一色，澄澈寒鑑  
裏。佳人恥施朱，欲與天真比。沙鳥閑且都，誰將擬  
公子。

式宴亭

從事誰獨賢，而來均宴喜。山禽雜嘯呼，珍木竟叢



倚興將物色俱閑  
獸簫鼓美寧同  
不聞問訟息時  
遊此

秋香亭

高軒盛叢菊可以泛綠罇  
餘甘自同齊忘憂寧用  
萱有木皆剥實何草不陳根  
獨此冒霜艷芬郁滿  
中園

狎鷗亭

羣生自知機不可欺以異此  
雖鷗與馴鷗亦魚所  
避坐能臨碧水安得同一致  
然此海客心還應無  
有愧

齊寧亭

城隅結危棟勢髴凌煙霓  
平觀飛雨來俯窺巢禽  
棲浩蕩孤思發幕歷蔓草齊  
長安去不遠何言西  
北迷

美陰亭

野材仍翦茅當此茂林下  
晴暉葉上明翠影盃中  
瀉鮮風時颺颺輕裾自蕭洒  
固殊愁生鍛曷慕嵩  
栖者

望仙亭

嘗聞淮南王雞犬從此去  
至今山頭石馬跡尚有



處使君辭從官終日絕塵慮望望雲漢間想見賓  
天馭

依韻和僧說上人見訪

客從東國來山雲猶在屨是時正窮臘鴈落溪陰  
暮投宿古城隅雪迷松下路衣楮足蘭茝相過寧  
歌屢

立春前一日雪中訪烏程宰李君俞尋有

詩見既依韻和荅

粉絮先春拂面翔臨風躍馬到君堂縣民將喜土  
膏起令尹未驚農事忙疾呼小吏具山酌便飲盡

醉爲詩狂我牽塵俗不得久何意更煩投夜光

送劉比部

青山夜來雨溪水已潺湲侵曉桂旗動傷離蘋渚  
前百壺臨祖道兩槩破春煙蒼業西河上歸心向  
日邊

贈月上人彈琴

人開溪上橫剝木素琴寒倚一枝玉吳王城畔鏡  
深房月下空彈孤鴈曲

冬日陪胡武平遊西余精舍

侵晨霜氣嚴溪口冰已合烏榜將進遲寒篙旋摧



拉遙看松竹深雪屋藏山衲登臨興都盡薄暮  
清雲

依韻和武平茗雲言二水

昔愛伊與洛今逢茗與雲  
南郭復西城曉色明於  
甲塵纓庶可濯白鳥誰來  
神落日潭上歸魚哥自  
相答

依韻和武平昇卞二山

北峯馱城蒼南岫緣溪綠  
誰知昔人遊尚想叢桂  
馥鳥獸安可羣呼鳴自為  
族儻聞羨門術一躡塵  
外躡

送崔主簿赴睦州清溪

舟輕不畏險逆上子陵灘  
七里峽天翠千重雲木  
寒古祠鳴野鳥亂石激  
春湍正與高懷愜寧歌行  
路難

依韻和劉比部留別

春雲已泊簾濃淡半晴天  
沙草微抽綠林枝遠帶  
煙况茲逢晚景那更送  
歸舫苦酒聊為酌無勞辨  
聖賢

送潘供奉承勛

與君迹熟情已親欲將行  
邁聊感人舉酒不能効



時俗半辭苦語資立身長大實好帶刀劍曷不往  
助清邊塵門戟雖高豈自有當思乃祖為功臣所  
宜勇躍發奇策嘉名定體庶得真儻以斯言作狂  
說乘肥食脆任青春

荅新長老詩編

江東釋子多能詩窓前樹下如蟬嘶朝風暮月只  
自老建安舊體誰攀躋唯師獨慕陶彭澤奇蹟仍  
收王會稽嘗示余右此一軸此焉趣尚已不淺更在措意  
摩雲霓

題劉道士奉真亭

降真沉水生爐煙扣齒曉漱華池泉心存崑閬未  
可到夜瞻北斗何聯聯顧茲虛室如有遲一草一  
石幽且妍芝蓋雲輶杳無至不知誰更似楊權

依韻和烏程李著作四首

縣署西園

春入西園何苦誇我曾狂醉洛城花如今老大都  
無興獨坐晴軒看落霞

雲上二首

共愛雲溪風物美春來清可鑑鬚眉頻生楚客將  
歸日花暖吳蠶始浴時臨水竹樓通市陌跨橋雲



屋接川湄畫舫載酒期君醉已是無謀助翦夷  
靚粧艷服遊川上簫鼓聲中俗自歡寄語春風休  
用惡恐教潭水起波瀾

早春遊南園

東國春歸早南園百卉宜萱芽開翠穎杏萼破煙  
姿青攏將鳴雉喬林未轉鸝石尤風莫起芳物畏  
君吹

送簽判張秘丞赴秀州

江鷺歸時君亦歸鷺巢未暖君還去去去溪邊柳  
多正值清明欲飛絮競折贈行何所益時時

春傷嘉樹不如舉酒對青山酒罷移舟須薄暮  
禾主人余久知跡冗不擬強攀附儻或無忘問姓  
名爲言懶拙皆如故

送弟赴和州幕

夾河爲郡不如古江北江南作冗官須記長傳一  
經訓雖貧莫改飲瓢歡歷陽况與吾廬近春穀休  
言闕應難此月停舟聊舉酌明當水驛自加餐

寄題徐都官新居假山

太湖嘉光古山骨共結峯嵐勢不孤苔徑三層平  
木末河流一直接墻隅已知谷口多花藥秋久林



問落猶疑待中構此遊樂里中遺老肯相呼

送元才吉上人歸天台

頃余遊峯洛值子入天台當時羣卿士共羨出氛埃  
在青翰一紀却向人間來問子何為爾言與般  
若臺臺將發善心聞般若安在哉此教久已熾增海  
非一盂我言亦燭火豈使萬木灰蓋欲守中道焉  
能力勸裁子勿疑我言遂以為嫌猜忽聞芳錫杖  
思向石橋迴城霞與琪樹璨璨助詩才嘉辭徧人  
口幸足息巖隈

公度以茶嘗語洛中花品而此邦之人多不

敢言花於余今又風雨經時花期遂過作詩  
以見貽故次其韻

去年三月來吳中欲擬看花無與從今年二月花  
偏早發作無節雨與風前時晴明要尋賞謂夸洛  
陽多不容我心豈是限南北美好未必須深紅姚  
黃魏品若盡有春色定應天下空因君見贈又及  
此莫怪還思澗水東

留題可及明心堂

秭雉已先嗥卉木萼漸歇俯檻弄條枚因心悟生  
滅上人本高胄季父踐清列一而能馱紛華樂彼方



外說

陪武平游雅上人房下峯亭

晚愛池上清羣峯對簷隙常恐雲氣生坐令蒼翠  
隔復繞曲塘陰映實孤花折誰知禪者居來伴使  
君適

送張舍人自安吉移宰同安

遠辭湖上山徙治海邊邑山機行吳俗饒魚蝦越人  
給操琴在更張殊土宜順山襲何以贈勤勤薄言茲  
所及

劉彝秀才歸江南

鳳鳥不在篋麒麟寧受鞞君思此二物中夜忽興  
歎況值南風來襲蘭歸楚岸

送胡武平

來見江南昏使君詠汀蘋再看蘋葉老汀畔送歸  
人人歸多慕戀遺惠在茲民始時繞郊郭水不通  
蹄輪公來作新塘直抵吳松垠新塘建輿梁濟越  
脫輞仁言度新塘去隨跡如魚鱗從今新塘樹便  
與蔽芾均我雖備僚屬筆舌敢妄陳因行錄所美  
願與國風振

迴陳郎中詩集



嘗觀陳伯玉感遇三十篇矯矯追古道粲爾日星  
懸今公豈其後佳詠久已傳憶爲童子日早誦錦  
繡妍茲來預官屬而許玩奇編明珠三百琲一一  
徑寸圓他人握中有未獲毫髮焉家貧敢懷寶况  
近驪龍淵又畏風雨作神物不得全再拜捧明月  
長跪還席前

依韻和武平別後見寄

溪遠橋危一望遙此馬悽絕府中僚已同鴈鷺依  
清淺共看鸞皇上沈寥別岸無端紫細柳迴舟不  
忍過新橋醉來事事能生感誰道愁腸酒易銷

新州廣濟劉主簿

相識雖非久相親似舊年論文君豈後尚齒我慙  
先慣神吳兒水將浮楚客船安知不離恨高柳正  
鳴蟬

依韻和僧說夏日閑居見寄

城郭非清涼山僧抱微疾又况三伏時當茲一禪  
室炎飈正爍爍溪水徒瑟瑟唯諫冰雪辭可以銷  
夏日

依韻和李宰秋思

一葉與風舞已知天地情將令百菓實競振群蟲



聲陶令欲收林幽人思哲旣更吟君麗句誰爲寫  
鍾評

送儲令赴韶州樂昌

嘗聞韶石下虞舜古祠深至樂久已寂況持陶令  
琴炎方不道遠一去值秋霖

隱真亭

烏程史尉署

作尉慕吾祖吾祖非得時誰似芙蓉國日見芙蓉  
披涼雨隨風來清香入酒卮自得真隱趣不慙吳  
市爲

說上人遊廬山

夙懷高世趣固足林壑情欲遊名山徧遂爲  
行又訪遠公蹟東林氣象清瀑布秋影落香爐曉  
煙生洗蕩萬古慮薰蒸千載名我今滯孤官  
瓶錫輕

和元之述夢見寄

高秋枕席涼晝寢還清曠不朝君腹便獨夢予爾  
訪豈忘相規言仍記群小謗始知端正心寐語尚  
不誑懞况何讒人告子亦孟浪吾聞有尸蟲伺惡  
多相尚耽睡受其惑子心恐成恙勉子守度曹勿  
使茲物王寃交昧聰明寤後成清唱誦玩自省循



徒爾增悒悵不能檢細微遂使言屢貶雖然甚頑  
鄙內顧無過當仲尼稱天厭季路猶行行何當謝  
勤誠爲子傾嘉釀

秋日卧疾恭上人來過不及見因以詩答

溪上秋霧多溪居曉寒入呼吸遂生痾嘔泄不下  
粒素知江南地大率皆卑濕久從吳土居氣候非  
所襲伏枕欲經旬冠帶粘已澁女奚特扣關問疾  
提山笠我非金粟身寄謝何暇揖屈性茲不能他  
時冀來及

依韻和守賢上人晚秋書事

秋霧鬱鬱不開曉曉爽溪樹深枝尚宿禽寒葉待驚  
露我居溪之陰早景誠所慕開豁吐初陽獨吟神  
與晤豈意芳袍人而懷此爲趣忽枉瓊玖章  
惠休旬

宛陵先生文集卷第九



先生文集目錄卷第十

湖州後詩

劉縣臧主簿

傅神悅躬上人

芝上人歸姑蘇

和孫朱二公見寄

陳浩赴福州幕

和潘叔治遊何山

送張叔展北歸

僧院枕流軒

余令之會稽新昌

文曜師之南徐

唐寺丞知南雄

謝尉西歸

示沈生

張法曹歸闕

和叔治晚見梅花

惱儂



相逢

檣鳥

過華亭

月暈

逢謝師直

迴自青龍聖師直

青龍海上觀潮

社前

水次鬪髀

葉大卿挽詞

寒食陪南園

牡丹

惜春三首

花娘歌

程山人歸飲

重過南園

送監簿歸寧

寄題千步院

早夏陪登臺置酒樓

得孫仲方畫美人

涂次寄羅道濟

和潘叔治六鶴圖

啄食

顧步

啖天

舞風

警露

理毛

留題潘氏假山

觀居寧畫草蟲

和穎上人南徐十詠

邵伯堰下

悼亡三首

淚

秋日舟中有感

書哀

目錄終



宛陵先生文集卷第十

臧子文刻縣主簿

刻縣無淺深歷歷能見底潛鱗莫見窺塵絃聊堪  
洗古木潭上陰遺祠巖下啓應識道傍碑因風奠  
醪醴

余今之會稽新昌

越舸將渡西陵時臘雪欲作陰雲垂古岸潮迴夜  
冰閣冰上鯉魚紅尾暑知君奉親聊自得窮冬涉  
險仍熙熙縣民但可觀此意休羨江邊孝女碑  
傳神悅躬上人



握中一寸毫寶匣百鍊金鑑貌不鑑道寫形寧寫  
心古人固不識今人或所欽依然見其質儼爾恨  
無音子誠丹青妙巧奪造化添妍媸必盡得幻妄  
恐交侵

文曜師之南徐

班班上川羽薄暮未安巢擾擾方外士歲晏遊遠  
郊正值風霜急晚冰隨處敲何時居巖下都把塵  
事拋

茂芝上人歸姑蘇

身衣紫氎服手授犧氏琴繁聲不願奏古意一何

深晏景託孤艇倦飛還舊林闔閭城下寺幾里認  
鍾音

唐寺丞知南雄州

前林尚含凍南國史君行逆水春風峭孤舟桂席  
輕踏訶聞舊俗信鬼有頽珉當識朱衣貴臺將擁  
道迎

依韻和孫秀才朱長官見寄 二首同韻

古來富貴蹈危機樂性安貧莫謂非未及功名蒼  
鬢改欲從踈懶五湖歸昔年同志逢時盡今日相  
親似子稀犀僕忽辭雲海上遠持雙壁扣吾扉



謝尉西歸

曾爲洛陽客，喜見洛陽人。每憶舊遊處，相逢借問。  
頻當時伊水上，醉弄品花春。而今絕茲樂，欲語已  
酸辛。明朝若去，又復與誰親。唯應有素月相照，  
寒溪濱。

陳法赴福州幕

梅殘杏將，瑋楊柳都未，堪欲。那無所贈，春風吹酒。  
耐遠山猶帶雪，野水已如藍。羽檄不應有，詩書自  
可就。

示沈生

稚子每多疾，始與藥物親。由茲沈生跡，遂歷吾門。  
頻我居無鳥鼠，乃知屋室貧。舉世竟趨利，爾非閭  
井人。

和潘叔治早春遊何山

泛泛寒溪流，縈紆向山去。淺石長蒲茸，朝煙暖出  
樹。捨舟當禪扉，踏蘚汚野屨。誰愛鮑參軍，登臨多  
秀句。

張法曹歸闕

海底日未上，屋頭群雀喧。晨興溪館迥，坐聽櫓聲  
煩。出戶望行舸，羨心如野猿。暮春余亦去，爲見故



人言

送張叔展北歸

江南春候早水暖野芹生北客欲歸日故人持贈  
行莫嫌爲物薄言采幽蘭并休惜臨流醉高帆去  
棹輕

依韻和叔治晚春梅花

楚人住處將空爲援越使傳時合有詩常是臘前混  
雪色却驚春半見瓊蕊空留吹遠曲還多怨風送清  
香似可期我欲細看持在手誰能爲折向南枝

僧元復院枕流軒

寺外寒流駛開軒靜者棲淺深看藻行出沒愛鳧  
鷺一悟此中趣萬緣皆可齊誰來驚節物岸木長  
春美

惱農

期我以踏青花間儻相遇果然南陌頭翩若鷺鴻  
度不語強躊躇羞人映芳樹兩心常自憐兩目空  
相注依依不得親薄暮還愁去記取似丹葩知開  
在何處

相逢

晚日南城歸橋邊見郎去遠遠逐郎迴羅衣汗微



卷十  
四  
汚不惜污羅衣要與郎相顧留連芳苑中肯謝花  
天嬖傍欄思晤言羞畏情誰譚草草各還家幽懷  
是飛絮

檣烏

檣頭飛去烏夜啼聲碎猶不如水禽雙棲向煙  
外煙外少分張渚間多麤會休同八九子反哺人  
誰愛

過華亭

晴雲嗥鶴幾千隻隔水野梅三四株欲問陸機當  
日宅而今何處不荒蕪

月暈

月暈已知風燈花先作喜明日挂帆歸春湖能幾  
里

逢謝師直

昔歲南陽道中別今向華亭水上逢把酒語君悲  
且喜流光冉冉去無蹤

迴自青龍呈謝師直

共君相別三四年巖巖瘦骨還依然唯髭此舊多  
且黑學術久已不可肩嗟余老大無所用白髮冉  
冉將侵顛文章自是與時背妻餓兒啼無一錢幸



得詩書鋪白日豈顧富貴辭青天而今飲酒亦復  
少未及再酌腸如煎前夕與君歡且飲飲纔數盞  
我已眠雞鳴犬吠似聒耳舉頭屋室皆左旋起來  
整巾不稱意挂帆直走滄海邊便欲騎鯨去萬里  
列缺不借霹靂鞭氣沮心衰計欲睡夢想先到顏  
渚前與君無復更留醉醉死誰能如謫仙

青龍海上觀潮

百川倒蹙水欲立不久却迴如鼻吸老魚無守隨  
上下閣向滄海空怒泣推鱗伐肉走千艘骨節專  
車無大及幾年食此膏血軀一旦翻爲漁者給無  
情之水誰可憑將作尋常自輕入何時更看弄潮  
兒頭戴火盆來就濕

杜前

欲杜先知雨將歸未見花那能長作客夜夜夢還  
家

水次髑髏

不知誰氏子枯首在沙洲肉化鳥爲腹肢殘波浪  
頭曾聞南面樂寧有九原愁厚葬不爲貴漢官其  
登丘

葉大卿挽詞 三首



位列名卿重年躋賜几尊臧孫宜有後定國已高  
門舊族聲華遠名藩治行存秋風蕭吹咽隴隧啓  
雲根

自古賢才少滔滔豈足云善人安得見清譽久來  
聞器隕龍文鼎竟歸馬鬣墳豐碑幾當立籍甚著  
遺芬

終始爲全德生榮沒亦榮聖人悲畫婁郡吏拜銘  
旌石馬天麟肖松枝國棟成更看追孝意捧土作  
新塋

湖州寒食陪太守南園宴

寒食二月三月交紅桃破粉柳染梢陰晴不定野  
雲密默默鼓聲湖岸坳使君千騎出南園歌吹前  
導後鳴銑是時輒預車馬末傾市竟觀民業拋竹  
亭臨水美可愛嗑啞草木皆吐苞遊人春服靚粧  
出笑踏俚歌相與嘲使君白髮體充健自晨及暮  
奏酒肴爾輩少年翻易倦倚席欠伸誰得教公雖  
不責以正禮我意未容誠斗筭逡巡秉燭各分散  
小人爭路何叟叟

牡丹

洛陽牡丹名品多自謂天下無能過及來江南花



亦好絳紫淺紅如舞娥竹陰水照增顏色春服貼  
妥裁輕羅時結游朋去尋玩香吹酒面生紅波粉  
英不忿付狂蝶白髮強插成悲歌明年更開余已  
去風雨摧殘可奈何

惜春三首

九十日春無幾日不堪風雨竟吹花舞英逐水向  
何處泛泛斜溪伴晚霞

前日看花心未足狂風暴雨忽無憑此身不及深  
溪水隨得殘紅出武陵

春色斗空花亦休綠園深鎖更誰遊殘枝貴

中看暮雨霏霏起暗愁

花娘歌

花娘十二能歌舞籍甚聲名居樂府荏苒其間十  
四年朝作行雲暮行雨格夫氣俊能動人人能動  
之無幾許前歲適從江國來時因讌席相微語雖  
有幽情未得傳暗結殷勤度寒暑去春送客出東  
城舟中接膝已心傾自茲稍稍有期約五月連航  
並釣行曲堤別浦無人處始笑鴛鴦浪得名爾後  
頻逢殊嫵婉各恨從來相見晚月下花前不暫離  
暫離已抵銀河遠青鳥傳音日幾迴雞鳴歸去暮



還來經秋度臘無纖失愛極情專易得猜前時南  
圃尋芳卉小怨不勝投袂起官私乘釁作威稜督  
促倉惶去閭里蕭蕭風雨滿長溪一舸翩然逐流  
水忽逢小史向城來泣淚寄言心欲死願郎日日  
致青雲妾已長甘在泥滓更悲恩意不得終世事  
誰憑何若此郎聞茲語痛莫深天地無窮恨無已  
我今爲爾偶成章便欲絨之託雙鯉

程山人歸歙州

新安固與吾鄉鄰山水清絕殊可擬我今暫來子  
亦歸空聽杜鵑雲樹裏

重過南園

誰作此園爲宴喜而今樂事已難并佳人去後門  
長鎖蔓草離離上古城

送滕監簿歸寧岳陽

乃翁守西鄙胡騎敢憑凌撫士無餘貨吏以文結  
繩向聞來三堂今復走巴陵汧流幾千里雲夢苦  
炎蒸風檣易陣馬猶使勇氣增子今遠寄省寄謝  
余豈能江山可留詠燕許昔嘗曾

寄題千步院兼示譚上人

郊郭山林有羨處皆爲釋子所棲託高閑不與時



俗侵寂靜豈唯魚鳥樂朝望平田插稻苗暮看西  
村收雨脚

早夏陪知府學士登豐嶂樓

高陵自可眺况復更層樓  
我衆山翠活活寒溪流  
新篁未掃籜緣險已脩脩  
曲道出林抄飛宇跨城頭  
春餘衆芳歇子結纍蔓抽  
庭空野鼠竄日暝啼禽留  
誰知郡府趣適有林壑幽  
主人易吾土惟襲是瀛洲  
伊我去問井爾來三十秋  
昔望白雲下今從輕軒游

得孫仲方畫美人一軸

駿駒少馴良美女少賢  
德常聞敗君駕亦以傾人  
國因觀壁間畫筆妙仍奇  
色持歸非奪好來者恐為惑

涂次寄羅道濟

去年五月君到官紅蕖正開  
湖水寬共酌汀洲不知暮  
扣舷月露霑衣寒今年我罷  
欲歸去朋酒久來無此歡  
移舟不忍便為別竟挈盃看  
情未闌城闌欲閉各分散  
溪雲暗澹生悲端明日抱醒  
風雨急野蓮空看寄君難

和潘叔治題劉道士房畫薛稷六鶴圖



啄食

窮年見俛啄但有飢乏之意雖存玉山禾不入丹青  
喙因思方朔嘲此豈優諧類

顧步

舉足徒有勢行沙遂無蹤迴頸誠已久未知竟何  
從安能見儔侶顧望自顛顛

啖天

引吭向層霄聲聞期在耳鼓吻意豈踈知音何已  
矣安得九臯同流響入萬里

舞風

如逢仙圃風飄飄奮雙翅拊節余欲助和歌誰爾  
類但看矯然姿固於流雪異

警露

孤標近仙壇依約聞墜露儼如舉止揚稍見神爽  
悟曉月坐清軒寒添壁間素

理毛

六鶴皆不同初生薛公筆况茲刷羽者奮迅如天  
質墨客懷賞心題詩仍我率

留題毗陵潘氏宅假山

人心本好靜世事方擾擾壑未去時庭中結山



小長欲見蒼翠何須聽猿鳥有志同尚平當期婚  
嫁了

觀居寧畫草虫

古人畫虎鵠尚類狗與鷺今看畫羽虫形意兩俱  
足行者勢若去飛者翻若逐拒者如舉臂鳴者如  
動腹躍者趨其股顧者注其目乃知造物靈未抵  
毫端速毗陵多畫工圖寫空盈輻寧公實神授坐  
使群輩伏草根有織意醉墨得已孰權豪不可致  
節行今仍獨

和穎上人南徐十詠

鐵甕城

漸江以為池增山以為壁鐵甕喻其堅金城非所  
敵前朝經喪亂曾是輕鋒鏑覽古一徜徉空聽漁  
浦笛

北顧山

山勢自北來高城倚為固當時偶登臨通者遂淪  
誤微雲思作雨古樹嘗霑露今非恃險艱草木藏  
狐兔

京口水

江頭潮正平日照土山口坐見遠來舟高帆忽前



後將隨入浦風稍度遙圻柳客無南北虞信是承  
平久

金山寺

山與衆山殊寺非諸寺擬無面不當江有林皆照  
水南冷隔吳會北渡通楊子還看上下帆日日何  
常已

望海樓

嘗聞觀蹄泚詎識海水大浩浩與天同滔滔衆流  
會平吞江作練遠瀉河如帶終日郡樓閒欲取長  
鯨鱠

季子廟

信如季子賢自昔知能幾依約有荒祠寂寥無負  
簞梁生濕菌古木憑山鬼英靈豈顧茲青史辭  
疊疊

鶴林寺

松竹暗山門颼颼給青吹傳聞宋高祖舊宅爲茲  
寺地以黑龍升經因白馬至何必問興亡山川應  
可記

太子篆

季札墓傍碑古稱尼父篆始以春秋義十字固莫



淺磨敲任牧童侵剝因野蘚嗟爾後之人萬言書  
不顯

甘露寺

山頭百畝宮庭下千年樹在昔甘露霏嘗疑神物  
護陰連殿閣寒聲撼雷霆怒瞻影衛公堂英寬想  
來去

范公橋

謂公天下才非專一方惠及此作輿梁力行無鉅  
細既異國喬爲將同傳崑濟礮石亘長川寧須伐  
山鞋

邵伯堰下王君玉錢王仲儀赴渭州經略

席上命賦

未破河西寇朝廷尚有憂淮南命儒帥塞上足封  
侯莫擐黃金甲須存百勝謀昔嘗經點虜今去正  
防秋

悼亡三首

結髮爲夫婦于今十七年相看猶不足何況是長  
捐我鬢已多白此身寧久全終當與同穴未死淚  
漣漣

每出身如夢逢人強意多歸來仍寂寞欲語向誰



何窻冷孤螢入宵長一鴈過世間無最苦精爽此  
銷磨

從來有脩短豈敢問蒼天見盡人間婦無如美且  
賢譬令愚者壽何不做其年忍此連城寶沉埋向  
九泉

淚

平生眼中血日夜自涓涓瀉出愁腸苦深於浸沸  
泉紅顏將洗盡白髮亦根連此恨古皆有不須愚  
與賢

秋日舟中有感

天乎余困甚失偶淚滂沱世事隨時遠秋風順水  
多鯨魚空戀穴獨鳥未離柯歲月都無幾存亡可  
奈何兒嬌從自哭婢駭不能呵已覺愁容改休將  
舊鑑磨弊衣留暗垢殘藥恨沉痾斗獸驅驅役終  
期老薛蘿

書哀

天既喪我妻又復喪我子兩眼雖未枯片心將欲  
死雨落入地中珠沉入海底赴海可見珠掘地可  
見水唯人歸泉下萬古知已矣拊膺當問誰憔悴  
鑑中鬼



宛陵先生文集卷第十一

宛陵先生文集目錄卷第十一

湖州後詩

謁雙廟

和永叔晉祠詩

書謝師厚至

新冬傷逝

蘇子美竹軒

寄題涵虛閣

送李通判處州

雜興

送弟赴官江南

得李殿丞端硯

詠蘇子美千葉菊

送趙升卿之韶幕

偶書寄子美

送蕭秘校

古劍篇送蔡君謨

送逐客王勝之



送周太博之鉅野

鄴中行

大慶殿雪中

荅忠上人携芳古硯

讀後漢列傳

異同

蔡仲謀遺鮒魚

雜擬

荅上中人卷

送蘇子美

聞李殿丞訪別

刁景純留饌贈

寄致仕李國博

同師厚宿胥氏

聞子美登天清塔

謝師厚歸南陽

夜坐有懷

永叔贈酒

得山雨

范通判秦州

陳繹越州從事

辛著作知西京永寧

和師厚別後寄

普淨佛閣孤鶻

蜂

並遊

寄宣州真上人

元夕同賦

正月十五夜出廻

同次道遊相國寺

送惠勳上人

聞賣韭黃蓂甲

董著作為參謀

戲寄師厚生女

薛中舍宰聞喜

聯句附

希深聯句

希深據鞍聯句

同希深馬上口占

玉塵尾



風琴聯句

冬夕會飲聯句

問答

目錄終

宛陵先生文集卷第十一

謁雙廟

八月過宋都泊舟雙廟側永懷此忠良遺烈傳碑  
刻五位儼朝裾千年同血食當時多苟生貴爵曾  
誰識縱今有立墳都已荒荆棘古人非輕死於義  
實罕得英骨化埃塵令名同鳥翼飛翔出後世景  
慕無終極豈若目前榮未沒聲已息西登孝王城  
王氣由邦國

送弟禹臣赴官江南

昔與子同歸夜向瓜洲泊持杯月正清  
盪水平如



削爾來蒼崖深須防虎潛搏行行無朋友遇事自  
斟酌

和永叔晉祠詩

并州古來稱近胡山雄氣壯民足儲山根晉水發  
源處平若故鑑潛決疏漸流漸急不可測以至瀧  
瀧鳴清渠豈惟俯可見毛髮況乃了了看龜魚下  
溉平田幾百頃稻苗肥稔曾不枯興亡莫問隨水  
遠廟深草樹空扶踈伊君持節過其下愛此佳趣  
聊停車北望故城無舊物泱泱野色連立墟已向  
風前聽好鳥只是落日聞蒼狐晉人須識漢

冉冉青髯似綠蒲

得李殿丞端州硯

蛟龍所窟處其石美且堅蠻匠斷為硯漢官求費  
錢持歸向都邑爭乞如瓦磚豈識萬里險謀竊好  
事傳

書謝師厚至

爾來哭爾姑清淚滴塵几一聞在目言不謂今則  
死而猶意遠行所念當至止秋風忽助嘍萬木欲  
摧毀

詠蘇子美庭中千葉菊樹子



生與衆草生不與衆草榮彼皆春爭葩茲獨秋吐  
英千葉共一萼百帶共一莖幽亭聳扶踈獨本非  
楮撐吾友蘇子美有酒對自傾香隨青陵蝶色映  
黃金鸞昨日偶來過頗興陶令情豈敢復言詩君  
家有子卿

新冬傷逝呈李殿丞

惡老今逼衰孤寂仍足悲寒風一夜起曩事無不  
思手澤在故物默歷非故時夢寐猶平常反寤恨  
莫追人生苦情累安得木石爲賴有同舍郎相語  
強解頤

送趙升卿之韶幕

舟車歷盡險風物乃還君俎肉應多味虞韶不復  
聞林鳴異音鳥山冒欲晴雲若弔張丞相空祠舊  
近墳

蘇子美竹軒和王勝之

庭無十步廣有竹纔百箇子時我其間賓友或來  
和琴壺置于傍圖籍亦在左誰憐脩脩影只畏寒  
日過誰憐青青枝下有暗葉墮我期霰雪時來聽  
幽聲卧應當爲設榻勿使賞心剝持以報主人此  
不可破



偶書寄蘇子美

君詩壯且奇君筆工復妙二者世共寶一得亦難  
料我今或盈軸體逸思益峭有如秋空鷹氣馱城  
雀鷄又如飲巨鍾一舉不能釀既釀心已醉顛倒  
視兩曜吾交有求叔勁正語多要嘗評吾二人放  
檢不同調其於文字間苦硬與惡少雖然趣尚殊  
握手幸相笑

寄題洪州李氏涵虛閣

耳熟滕閣美未爲豫章游近聞東湖上可見西山  
頭朝愛雲氣生暮數鳥行幽主人趣向遠登覽日

不休父兄已三人挂冠此遲留他年儻一徃風物  
詠可周

送蕭秘校

比從江南來又從江南去孤舟隨鴈群晚泊定何  
處霜橙可爲蕪冰鱸思下筯此興吾不知薄言聊  
所慕

送李殿丞通判處州

拜官將近親不畏千里險汴流上贛水石亂波驚  
颭舟人素已諳曲折就迴閃豈虞失便利倚慣憂  
亦掩昔余從平流悸夢尚成魘今逢子方去青紵



卷十一  
四  
絲新染沙頭有  
埃吏端立板方  
斂鴻鴈正來翔  
竟看朱服儼

古劍篇送蔡君謨自諫省出守福唐

生銅夜夜鳴  
剡鐵未嘗缺  
主人久提携  
何事贈離別  
借問豈酬恩  
請看鏢上血  
休慙補履功  
出處異施設

雜興

主人有十客  
共食一鼎珍  
一客不得食  
覆鼎傷衆賓  
雖云九客沮  
未足一客噴  
古有弒君者  
羊羹爲不均  
莫以天下士  
而比首陽人

送逐客王勝之不及遂至屠兒原

犯霜出國門  
送客客已去  
猶意行未遠  
策馬過寒戍  
川長不見人  
沙沒前崗路  
始聞雲木深  
忽逢朱亥墓  
金鏡一報恩  
義烈垂竹素  
何須文學爲  
寄語長沙傅

送周仲章太傅之鉅野

仲月霜氣嚴  
朝來厚如雪  
鴻鴈各南飛  
羽毛將恐折  
征途履以足  
侵骨寒於鐵  
得罪此爲輕  
君恩大權悅

鄴中行



武帝初起銅雀臺丕又建閣延七子日日臺上群  
鳥飢戔戔七子宴且喜是時閣嚴人不通雖有層  
梯誰可履公幹才俊或欺事平視美人曾不起五  
官褊急猶且容意使忿怒如有鬼自茲不得爲故  
人輸作左校濱於死其餘數子安可存紛然射去  
如流矢烏烏聲樂臺轉高各自畢逋誇彙尾而今  
撫卷跡已陳唯有漳河舊流水

親郊前三日大慶殿雪中

皇帝率群臣發章聖五后冊

將郊先奉冊拜立未央庭天表君心孝人驚

零冕旒紛點綴劍佩濕晶熒曲蓋曾無用群臣敢  
自寧鑪煙靜齋帷并氣凍宮餅明日來壇下中宵  
已見星

忠上人携王生古硯誇余云是定州漢祖

廟上瓦爲之因作詩以答

硯取漢廟瓦誰恤漢廟墮重舌一如此吾今對之  
悲既實若主事未知爲用時

讀後漢書列傳

漢家誅黨人誰與李杜死死有范滂其母爲之  
喜喜死名愈彰生榮同犬豕



吾聞聖賢心不限親與疎義殊目前乖道同異代  
俱堯舜及周孔千載趨一途盜跖誦孔氏弟子將  
黨歟蹠自驅其衆日念殺不辜河濱捧土人海畔  
逐臭夫塞川豈量力同趣即爾徒爾既不自過反  
以此爲紆

蔡仲謀遺鯽魚十六尾余憶在襄城時獲  
此魚留以逕歐陽永叔

昔嘗得圓鯽留待故人食今君遠贈之故人大河  
北欲膾無庖人欲寄無鳥翼放之已不活烹煮費

新棘

雜擬

忽聞胡騎渡河水月鬼夜脅陰貂寒獨侍金輿立  
城角龍蛇不展繞旗竿

荅中上人卷

吹笛皆學龍吹笙皆學鳳又於笙笛間高下不相  
中得其精者稀得其麤者衆況於真出音千歲不  
復夢爾爲學笙歟頗已臻妙弄

送蘇子美

勇爲江海行風波曾不懼但欲尋名山扁舟無定



處南有鵬若鷄臉有石若鋸毒草見人搖短狐逢  
影怒不還尚苦乖更遠饒瘴霧東土乃濱海蜃蠃  
仍可怖殼物怪瑣屑羸蜺固無數鹹腥損齒牙日  
月復易餒二方既若此往矣無久駐竟當西北來  
醉耐多肥疔夏不厭漿酪冬不厭雉兔勿言專口  
腹口腹人所務天台信奇偉石橋非坦步廬音趣  
最幽飢腸看瀑布此致雖爲高實亦難久慕若行  
聽我言不聽到應悟

晚歸聞李殿丞訪別言已屢來不遇

蕭條一陋巷頻日見馬蹄歸來稚子告有客云將

睽始知君其南復歎我向西豈不懷念慕吾親書  
新齋曰吾五男子愛惜無不齊所冀立門戶安用  
同犬雞齷齪守此客馴馴戀此棲二季留左右足  
以共挈携身許遠就祿幸又奉阿婆今年還都下  
路喪子與妻囊罄厭外役進退類潘氏終當改江  
邑儻得致音題

刁景純將之海陵與二三子送於都門外  
遂宿舟中明日留饌膾

人言汴水駛奈何已冬乾蔡雖平且慢臘月行亦  
難唯聽夜冰合爲君愁苦寒暫維青綠祚邀膾白



玉盤行人反飲我於理殊未安所忻能自養不復  
道加食

寄洪州致仕李國博

湖上悠然度幾春  
勇拋榮祿遂天真  
青蒲翠竹園  
華屋白酒黃雞  
命里人果下  
有時乘小駟  
兒曹方  
見舞朱輪  
田園歲入千鍾  
美肯似疎家  
苦畏貧  
同謝師厚宿看  
氏書齋  
開鼠甚患之  
燈青人已眠  
飢鼠稍出  
穴掀翻  
盤盃響  
驚鳥聒夢寐  
輟唯愁  
几硯樸  
又忍采書  
醫癡兒  
幼猫鳴  
此計誠  
已拙

聞子美次道師厚於天清寺塔

二三君少壯  
走上浮圖巔  
何爲苦思我  
平步猶不  
前苟得從而登  
兩股應已攣  
復想下時險  
喘汗頭  
目旋不如且安坐  
休用窺雲煙

謝師厚歸南陽効阮步兵

一日復一朝  
一暮復一旦  
與子相經過  
少會不言  
散我心終未極  
歲月忽云晏  
嘶馬思長道  
孤鳥逐  
前伴駕言慕  
倚侶懷抱若冰炭  
南臨白水湄  
風雪  
振高岸  
意恐慈母念疾馳  
節已換解劍  
登北堂  
幼婦笑粲粲  
弊裘一以縫  
征塵一以澣  
而我客大梁



衣垢自悲歎

師厚明日歸南陽夜坐有懷

明朝子當去我若雲失龍龍歸雲未歸索莫將安  
從半夜出戶望參畢已正中倏然變陰黑烈烈鳴  
窻風窻鳴不得寐擁被一悲翁

來叔贈酒

大門多奇醞一斗市錢千貧食尚不足欲飲將何  
緣豈能以口腹屈節事豪權閉戶飽於齏作詩題  
如泉一日復一夕醒日常不眠窮臘忽可怪誰不  
故人傳呼思欲自酌瓦盞無完全其能獲

況侑天妍却令情懷惡分與富貴偏收拾不復嘗  
排置屋角邊儻官嘉客至傾倒相與顛何暇問濃  
薄但覺窻扉旋誰識我為我賓主各頽然始得語  
且橫既醉論益堅曾不究世務閉氣爭古先畢竟  
雨未決辨吻空流涎嗟我儒者飲聒耳無管絃雖  
云暫歡適終久還愁煎自甘不偶死寧募金印懸  
願頻致此物勿恤瘡擔肩

得山雨

急雨射蒼壁濺林跳萬珠山根水壑壑漫竅若注  
壺



范殿丞通判秦州

天水出名馬多稱黃金羈正值羌已和邊草復離  
離乘肥固未失所蘊不得施主人本燕客寧獨事  
書詩志尚功名間管樂猶一時去去勿復道礪落  
爲男兒

陳繹越州從事

毋夫人老母兄黜夫人從爾之會稽恐傷爾心不  
敢泣春崗細雨聞竹雞時亦藏淚未出臉奈何相  
與頭傾低誠知就祿非獲已應欲退耕無舊畦

辛著作知西京來寧

躍馬西畿今家坐在洛陽衣霜寒食雨花發故宮  
墻冷淡鳩鳴屋竟閑水滿塘送君悲漸老空憶釣  
伊魴

依韻和師厚別後寄

吾與爾別未及旬吾家依舊甑生塵閉門不出將  
誰親自持介獨輕貨珍盤餐豈有鹹酸辛苦吟  
寢昏繼晨夜光忽怪來何頻採拾若在滄浪眼和  
者彌寡唯陽春

普淨院佛閣上孤鶻

我新稅居見寺閣金碧照我破屋前目看閣上聚



鳩鴿巢棲飲哺忘窮年雕簷畫壁屎污褊以及像  
塑頭與肩寺僧不敢施彈射忽有蒼鶻張毒拳鷓  
鳴鵲噪鸛鴒鷄斗怒鶻來此窺腥羶鶻心決烈不畏  
衆瞥碎一腦驚後先死鳥墮空未及地返翅下取  
如風旋獨當屋脊恣捨磔啄肉披肝腸奔指老鷓  
無藝又狠怯盤飛欲近飢目穿遠巡鶻飽自飛去  
爭殘不辨鳥與鳶群兒指點路人笑我方吟憶秋  
江邊

蜂

春風無主撩亂時分群養子各守脾爭攫花股為

臘蜜年年共割不我稽俄逢主人若過慮畏爾有  
蠶成噬臍密將惡物毒爾族爾曾不得同醢雞王  
雖爾名爾何補造甘為利乃自取

並游

並出慙羸駕康衢懶著鞭寒驢能勝馬擊道去如  
煙何用嗟逢疾從來有後先所期皆一至我到爾  
應還

寄宣州可真上人

昭亭山色無纖塵昭亭潭水見游鱗長松碧篠入  
古寺石上高僧度幾春



元夕同次道中道平叔如晦賦詩得閑字  
金輿在閭闔簫吹滿人寰九陌行如畫千門夜不  
關星通河漢上珠亂里問問誰與聯輕騎宵長月  
正閑

正月十五夜出迴

不出只愁感出遊將自寬貴賤依儔匹心復殊不  
歡漸老情易厭欲之意先闌却還見兒女不語鼻  
辛酸去年與母出學母施朱丹今母歸下泉垢面  
衣少完念爾各尚幼藏淚不忍看推燈尚壁卧肺  
腑百憂攢

同次道游相國寺買得翠玉嬰一枚

古寺老栢下叟貨翠玉嬰獸足面以立瓜腹有而  
華虛能一勺容色與藍水并我獨何爲者忽見目  
以驚家無半鍾畜不吝百金輕都人莫識寶白日  
雙眼盲

送惠勤上人

遠寄我行何所之東南爾土爾自知山水佛事不  
暇說去何速兮來何爲公卿貴人見爾喜爲爾買  
產丐爾資玉城幸可樂歲月野鶴終是思陂池去  
去雲霞不容侶却應來此如前時



聞賣韭黃菜

百物凍未活初逢賣菜人乃知糞土暖能發萌芽  
春柔美已先薦陽和非不均芥根守天性惟涪澗  
之濱

董著作嘗為參謀歸話西事

子說頗驍勇築城收漢疆提兵無百騎偷路執生  
羌大將罪專輒舉軍皆感傷歸來出萬死羸馬亦  
摧藏

戲寄師厚生女

生男衆所喜生女衆所醜生男走四鄰生女各  
各

口男大守詩書女大逐雞狗何時某氏即堂上拜  
媪叟

薛中舍宰聞喜

秦人宦于秦百事順耳目山川我已踈風物予所  
熟維美行邁時親賓祖車轂空將離別心欲出無  
僮僕

聯句附

古木含清吹池上增晚涼余懷本達曠謝少聯此  
傲羲皇孤鷗可與狎絳幽岸足以觴幸有彭澤酒  
堯臣便同來嘉堂濬生起為壽維王子齊陳章林端



見新月行草際聞寒蟬照水螢影亂良臣拂筵藜  
花香徘徊戀嘉境坐使歸興忘少卿

希深洛中冬夕道話有懷善慧大士因探  
得江字韻聯句

彼有上人者妙談心所降希深達空知不二觀行  
本無雙聖俞久阻飄花席因思響雪憲希深社中  
雖得遠方外自非龐聖俞夢幻慙他劫風塵厭此  
邦希深終期親道樹何必憶重江聖俞

希深本約遊西溪信馬不覺行過據鞍

句

有意訪西溪順途吟思迷及茲詢野老已恨過芳  
蹊希深醉客但多興幽禽空自啼無由駐金勒林  
表日光低堯臣

同希深馬上口占送九舅入京城親聯句

之子洛中來芳罇喜暫開人誇阿連少吾愧士衡  
才希深丹闕鳳皇去清川鴻鴈迴都門春色美相  
送思悠哉堯臣

玉塵尾寄傅尉越石聯句

齋中獨何物持之想見君惟茲玉塵尾信美而有  
文夫子善談道亶亶詞如雲在握昔同色傾坐今



離群絳况託懷袖好曾親蕙蘭薰常許助閑放於  
焉探典墳既乃阻清燕復屈驅虫蚊自殊白團扇  
未畏秋葉紛堯臣

風瑟聯句

竅竹漏天風張絃擬嶧桐佳名從此得妙響未曾  
窮希深夜靜危臺上人閑皎月中依依聽不足秋  
露滿蘭叢聖俞

夕夕會飲聯句

與君數夜飲唯恐酒盞空今我苦欲淺堯臣語志  
難此同陳編作歡適謝景初問誰何冠雄婢子

且倦堯臣主人哦不窮燈青屢結花景初煎響時

鳴蟲穴鼠暗出沒堯臣風鴈高雍容冰霜覆瓦屋

景初貂狐輸貴翁孤床乏暖質堯臣苦語有淡工

景初患徇小景初煨炮敬驚殼紅落蟾斜入竅堯臣

速漏微逝風醉心欺睡鬼景初細書刺昏瞳叫呀

聞爭犬哮吼獸啼驟撥大亂賴豆附炙雙彎弓乾

果硬迸齒堯臣寒齏酸滿曾枯蛤擘無肉淡脯燒

可饗語必造聖賢樂已過鼓鍾紙窻幸未曙景初

絮被令旋縫凍痺兩股鐵跑孤雙鬢蓬脰朶既瀕

溺棍虱唯欲烘器皿足缺齧捧執無天穠兒女寒



不寢堯臣僮僕困欲普豈無貴富徒笑此飢寒  
丈夫固有負道義久已充墨子不黔突齒輩且得  
封勉哉梅夫子塞者終自通景初

問答送九舅席上作

金鑿落歸深留贈行人須滿酌銀餅况有宜城醪  
及取春風花照灼

小屏風淵希座隔流塵素影融方床六尺偃清書

慙無玉枕名通中

玉蟾蜍歸深刷君筆硯誠有諸可愛亭亭寒月照

瑩然四座凝冰壺

金錯刀淵希連環交刃吹風毛美人贈我萬錢貴

何必翦犀誇孟勞

青雲梯淵希尺木為階行勿迷勤脩道業生羽翼

天門九龍裏須攀躋

鳳于飛淵希差差粹羽今逢時桐花正美霜雪亂

家庭玉樹須來儀

宛陵先生文集卷第十一



宛陵先生文集目錄卷第十二

擬李益竹窓聞風 擬宋之問春日

郡閣閱書 梅花

擬張九齡詠鷺 遲雪

欲雪復晴 送蒙寺丞赴郢州

聞角 和人雪意

詠楊高品馬廐狝 和欲雪二首

和梅花 和十一月八日獻桃花

和梅花 再送蒙寺丞

擬王維觀獵 擬陶潛止酒

宛陵先生文集目錄卷第十二  
擬李益竹窓聞風  
擬宋之問春日  
郡閣閱書  
梅花  
擬張九齡詠鷺  
遲雪  
欲雪復晴  
送蒙寺丞赴郢州  
聞角  
和人雪意  
詠楊高品馬廐狝  
和欲雪二首  
和梅花  
和十一月八日獻桃花  
再送蒙寺丞  
擬王維觀獵  
擬陶潛止酒



擬杜甫玉華宮  
擬韋應物殘燈

和與諸君登西園亭

和小雨  
擬韓吏部射詠狐

得韓持國作茅廬  
和新晴一首

清躬詩  
嘗惠山泉

糟淮白  
和臘前

題臘藥  
臘酒

臘脯  
臘筍

和挑菜  
和臘日問香日

啄木二首  
語鴉

和燕淮陽秀才  
和石昌言求牡丹栽

和十二月十七日雪  
建溪新茗

送詹秘校之越  
謝人惠茶

和立春  
和謝廷評北園

和謝廷評栽竹  
和歲除日

明井  
楊公懿惠糟鮓

和楊秘校得糟鮓  
春雪

和謝學士雨後雪  
伐桑

夢登天壇  
寒食過荆山

過口得雙鯁魚懷永叔



歲寒亭 澄虛閣

泗上逢黃令 和許發運游草堂寺

和許發運東園

目錄終

宛陵先生文集卷第十二

擬李益竹窓聞風寄苗發司空曙

窓前風動竹聲碎影仍繁衝扉忽自啓出候初迎

門驚雀枝未定乳蜂窠暫翻飄飄一舉袂聊更遲

來轅

擬宋之問春日翦綵花應制

上林花未有中禁綵先成葉逐翦刀出蕤後粧粉

生紅繁內人手香染侍臣纓不是將春競天心重

發榮

郡閣閱書投壺和呈相國晏公



較量人世無窮樂羅列平生未見書聊奉投壺祭  
征虜休言擊劔馬相如畫樓晚去聞寒角縹帙看  
來落蠹魚日獲誨言皆舊學不慙貧賤帶經鋤

梅花

江南臘月前溪上照水野梅多少株艷薄自將同  
鵲羽粉寒曾不逐蜂鬚桃根有妹猶含凍杏樹為  
鄰尚帶枯蕪客且休吹玉笛清香飄盡更應無

擬張九齡詠鷺

眇眇雙來鷺為長年與社遠任從新曆改只向舊巢歸  
水日當人語輕寒逆雨飛自親梁棟慣不識海鷗機

遲雪

風嚎大澤晚雲覆女墻低鷺霰夜將集廣庭朝復  
迷鷺鳴寒蔽日鴈泊凍生谿會待飄花密開軒意  
外題

欲雪復晴

陰雲不成雪碧瓦有繁霜日氣生簾額冰條結并  
床飛鳥鳴自樂古木晝仍僵誰意斗晴後苦寒勝  
北方

送蒙寺丞赴郢州

郢國當時唱猶傳白雪真問今非昔日和者幾何



名臣  
入客自射飛鴈漁能供躍鱗芳洲墮馬處吾祖漢

聞角

一聲催客夢星斗轉西簷風卷梅花去愁從柳塞  
添馬鳴霜滿鬣龍泣凍生髯高樹朝光動城頭落  
海蟾

和人雪意

凍雲低垂野遠樹昏未分朝來庭竹上撼撼霰已  
聞扣門有兵吏嘉命傳相君趨閣展熊席卷幔  
飄爐薰桂漿貯榼美馬乳薦實蕡賓屬雨三人

從容奉評文速稽先儒言風賦可以羣密置筆與  
硯唯待雪雰雰雪既不可待日暮人半醺明朝獲  
方楮健思欲凌雲

詠楊高品馬廐猢猻

嘗聞養騏驥辟惡繫獮狝供奉新教藝將軍舊病  
偷聊看綠柱杪尚想傍崖顛更祝南州使如拳試  
為求

和欲雪二首

貂裘著不暖牙帳曉初開朔氣還先及流風亦屢  
催擬聞人詠絮將見使傳梅公復憂民函部沙幾



日來

雪欲漫天落雲初著地  
青臂鷹過野健走馬上冰  
遲公子多論酒騷人自詠詩  
都無少年意只卧竹  
窻宜

梅花

已先羣木得春色不與杏花為比  
紅薄薄遠香來  
澗谷踈踈寒影近房櫳全枝惡折  
憎鄰女短笛橫  
吹怨楚童墜萼誰將呵在鬢  
葉殘金粟上眉蟲

和十一月八日圃人獻小桃花二絕

當時開向杏花後今日綻當梅萼前  
不畏雪霜何

太甚繁英如火滿枝燃

前占寒食一百六  
萼到其時未合開  
丹艷已先灰  
管動不由人力與栽培

和梅花

時時不甘春著力  
年年能占臘前芳  
水邊攀折此  
中女馬上嗅尋何處  
郎山舍更清  
裁作後鳳樓偏  
巧學成粧團枝密  
葉都如雪野雀飛來  
翅合香

再送蒙寺丞赴郢州

彎弓落飛鳥少也向幽州來  
作漢官屬恥為戎國  
留身輕拋馬轡地暖  
馱狐裘慣見顏如玉  
江邊問



莫愁

擬王維觀獵

晏相公坐中探賦

白草南山獵調弓發指鳴原邊黃犬去雲外皂  
鷗迎近出長陵道還看小苑城聊從向來騎回望  
夕陽平

擬陶潛止酒

多病願止酒不止病不已止之懼無歡雖病未宜  
止且欲止人事事止不經耳次誦止足言行常止  
田里田里止誰親止樂山水美既止何所助唯酒  
與止喜以言止不止未必止為是止酒儻不瘳枉

止徒可耻止亦隨化遷不止等亦死慎勿道止酒  
止酒乃君子

擬杜甫玉華宮

松深溪色古中有鼯鼠鳴廢殿不知年但與蒼崖  
平鬼火出空屋未繼華燭明暗泉發虛竇似作哀  
絃鳴黃金不變土玉質空令名當時從輿輦石馬  
埋棘荆獨來感舊物煎懷如沸羹區區人世間誰  
免此虧盈

擬高應物殘燈

照此寒夜中欲殘紅燼尾空堂滅復明獨宿擬山



鬼

和二月十二日與諸君登西園亭樹懷舊書事

冬日蕭條公府清獨將諸吏上高城而今何處異  
疇昔鐵墓下聞孤夜鳴

又

莎徑依然見莎葉蓮塘無復有蓮花更看白水滿  
城下說着當時龍骨車

和小雨

蛟龍溼白霧天外細濛濛露土曾無跡昏林似有  
風卷旗妨滴舍濕翅下洲鴻稍見斜陽透西雲

半紅

擬韓吏部射詭狐

黃昏月暗妖鳥鳴  
危然鈍質麤豪聲  
憑凶自異立屋角  
潛事俯吻欲我驚  
豈知慣聞此醜狡  
呼集鬼物夸陰痺  
夕盜雞雛無畏避  
曾遭彈射沉泥坑  
汝今病翼未甚愈  
還作舊態侵平明  
陽烏瞳瞳出東海  
照汝宜喪膽與精  
何為世人苦憎汝  
汝常盜物資已榮  
儻有弓矢勿汚辱  
殺此非得去惡名  
養雛四三已相似  
眼腦實異鸞皇生  
一朝車輪翅墮地  
狐鼠入穴梟黨烹



得韓持國書報新作茅廬

聞君作茅廬正在西軒西  
心移舊蔬圃稍改新藥  
畦其高如伯鸞况亦有隱  
妻今方漢德盛不必之  
會稽

和新晴

雲開日照戟衣寒  
淨掃平沙路已乾  
吏散庭除少公事  
畦挑芽甲足春盤  
要聽林上鳴禽變  
試步塘陰綠水寬  
誰詠陳根有微綠  
烏蟾易失似跳丸

清躬詩

所稟介且拙  
嘗取朋比為皎皎  
三十年半語曾未  
欺身微德不著  
尚使人見疑  
省己當自責  
實負聖相知  
聖相雖明察  
不假束蘊辭  
扣言已可罪  
引去豈非宜

嘗惠山泉

吳楚千萬山  
山泉莫知數  
其以甘味傳  
幾何若飴露  
天禹書不載  
陸生品嘗著  
昔唯廬谷亞  
久與茶經附  
相襲好事人  
砂餅和月注  
持叅萬錢鼎  
豈足調羹助  
彼哉一勺微  
唐突為霖澍  
疏濃既不同  
物用誠有處  
空林癯面僧  
安比俠王趣

糟淮白



寒潭縮淺瀨空潭多鮒魚網登肥且美糟漬奉庖  
厨昔聞漁父賢嘗勉楚人舖楚人懷沙死彘腹千  
歲餘今茲有遺意敢共盃盤踈

和臘前

漢家戍日看看近雲景蒼茫已歲昏欲驗方書治  
百藥預調飛走獵平原土人薰肉經春美宮女藏  
鈎舊戲存獨把凍醪驚節物草芽微動見庭萱

題臘藥

尚書晏相公臘日投壺輸詩七首便  
以臘日所用物賦先成四首上呈

顏顏早覺衰乃藉藥扶持及此季冬日預脩來歲  
宜鼎成無大見蜜煉有蜂知借問月中兔長年何

所為

臘酒

常氏月錄云臘日造四月造

汲井輓轡鳴寒泉碧甕盛欲為三伏美方俟十旬  
清夢憶黃公舍徒聞常氏名熟時梅杏小獨飲効  
淵明

臘脯

畋獵得封獸割鮮為脍脩易甘非愛日不敗任經  
秋可用資賓豆何妨鄙薦脯考之新月錄美脆勝  
庖牛

臘笋



南岡深竹養鞋下有鷓鴣鳴破臘初挑箇呂氏春和

之美竹越之簞箇誇新飲比瓊薦盤香更美案酒味編清

馬援當時見曾將禹貢評以波至薦浦見冬荷上言禹貢取包橘柚疑是謂也

和批菜 十二月十二日

中園本膏壤始覺氣候偏出土夢甲紅近水芹芽

鮮挑以寶環刀登之饌玉筵僻遠尚含凍安占春

陽前造物非有意地勢使之然

和臘日

獵鼓逢逢奏寒水鬱鬱消正憐風日暖不似雪霜

朝敢問祠黃石休從擊皂鵬楚郊梅萼未攏麥已

多苗

咏木二首 十二月十二日陪步後園所聞見

城頭啄枯楊城下啄枯桑朝啄不停味暮啄不充

腸寒風正冽冽蠹穴蟲且殭况茲園林迫剥剥響

何長

食蠹非嫌蠹聲來古木高誰將琵琶弄寫入相思槽

語鴉 此以上三首補前投壺所輸七首

客語南方鴉啄地掀巨石遂令山中人多窳高步

跡誰云不可轉鳥啄猶能擲

和淮陽燕秀才



我官忝博士曾昧通經術前因辟書來亦不習文  
律循舊臨學宮虎革被羊質倚席未能講占墳聊  
置日朴鈍既若茲愧彼噉棗栗今者登俊賢充詔  
冠庭實邦伯乃宗公惟帝舊良弼置醴餞以行行  
行李冬月騏驎入羈駕千里終不蹶慙予延蔭人  
安得結子韉心雖羨名場才命甘汨沒祿仕二十  
年屢遘龍榜揭在昔見麻衣于今盡超越是以對  
盃觴謹嚴微敢忽寧唯畏後生自恨疎筋骨羞  
羅食案包核備時物里婦或窺觀戶下紅裙出歸  
應願生男生男付紙筆乃信讀書榮况即服緼鞵

長歌食苹詩聲淡異鳴瑟

和石昌言求牡丹栽

昔年藥欄下已多香草名更移花本去聊助日邊  
榮莫問西都品存吾舊友評會應包萼吐可與魏  
姚并帶土歸金谷封根近玉京謫仙方醉詠不倚  
錦宮城 歐陽永叔有花品

和十二月十七日雪

窮冬勁臘已過半曉雪先春何處來豈是全資南  
畝麥多應不分北枝梅處中未許野童掃林上唯  
愁狂吹催莫問兔園同賦客相如居右最為才



建溪新茗

南國溪陰暖先春發芽采從青竹籠蒸自白雲  
家粟粒烹甌起龍文御餅加過茲安得比顧渚不  
須誇

送詹彥迪秘校之越

夙懷山水心夢寐向東越聞為會稽行獨此羨明  
發渡江信春潮泊館食野蕨平時異梁鴻但泛鏡  
湖月

謝人惠茶

山上已驚溪上雷火煎那及兩旗開采牙幾日始

能就碾月一壺初寄來以酪為奴名價重將雲比  
脚味甘迴更勞誰致中濡水况復顏生不解杯

和立春

茲日何所喜所喜物向榮際縷作翠柳意先新陽  
生塗金鏤為勝義不首時輕增年已歎老斗酒聊  
自傾

和謝仲子廷評新理北園

園吏乘冬和荷鋤去宿莽主人因其勤築去截荒  
壤移枯復窠缺剗徑就平廣東北倚高城曠險不  
可上愛彼林木深便為丘壑想更待春風歸日探



花卉長但願多置酒應得時一往

和謝仲弓廷評栽竹

移得溪邊翠來為庭下陰惜根存舊土帶筍助新  
林暗換蕭蕭葉知虛寸寸心東風莫搖撼培壅未  
應深

和歲除日

一年三萬六千刻玉漏唯餘十二時去日苦多誰  
會惜殘陰全少頗能知己驚顏貌徐徐改不奈  
蟾冉冉馳萬國明朝賀六新歲東風依舊入春旌

明井 在城東南

顯晦有難必執云幽不明深井發寒泉光若月色  
盈陰陽信奇變易用究厥情譬彼出炎火投薪丹  
焰成吾人勿驚異但自汲餅鑿

揚公懿得頴人惠糟鮑分餉并遺楊叔恬

頭尾接清淮淮魚日登網吳莼毛羹美楚糟增味  
美云誰得嘉貺曾靡獨為享乃知不忘義分遺及  
吾黨

和楊祕校得糟鮑

食魚何必食河魴自有詩人比興長淮浦霜鱗更  
腴美誰怜按酒敵庖羊



春雪

臘前望盈尺，姦縮不應乞。萬物及向榮，而反事凝。  
深與雨暗爭，能不念傷彼。苗雖然便消釋，終是乖  
氣律。新陽豈憚沮，暴柳未為屈。隨風勢更巧，著樹  
媚且密。誰將背時弃，乃欲逞果必。摧花自作花，旋  
積被已失。上天施命令，冬春不相匹。生物與死物，  
其道安可壹。嗚呼此飛雪，何為在今日。

和謝公儀學士正月十七日雨後復雪

本祈春雨成春雪，應候小桃先。次開西漢放生誰  
復召南朝，何遜自多才。潑除燈火上元去，挫却勾

萌六出來前，此解衣爭貫酒。不知為瑞與為災。是

十日祈雨九日  
霽然至于今

伐桑

二月起蠶事，伐桑人阻飢。已傷持斧缺，不作負薪  
非。聊給終朝食，寧虞卒歲衣。月光無隔礙，直照破  
荆扉。

夢登天壇

夜夢登天壇，壇上兩仙人。來時乘白鳳，去時乘白  
麟。我問不我語，颯颯山中雨。

寒食日過荆山



山郵雖禁火，嶺樹自生煙。嗚咽同歸櫓，悲哀欲問天。  
泣親非泣玉，流淚劇流泉。春紫橫刀贈，何心更食鮮。

過口得雙鯪魚懷永叔

春風午橋上，始迎歐陽公。我僕跪雙鯪，言得石瀨中。  
持歸奉慈媪，欣詠殊未工。是時四三友，推尚以為雄。  
于於十九載，存沒復何東。我今淮上去，沙嶼逢釣翁。  
因獲二尾，其色與昔同。錢將青絲繩，羹芼春畦菘。  
公學廣陵來，值我號蒼穹。何為號蒼穹，夫怙哀無窮。  
身煎米暇，餉泣血語孤衷。生平四海

內有始鮮能終唯公一榮悴不愧古人風

歲寒亭

種花遊青春，種栢要晏歲。乃知風露前，已辨雪霜勢。  
時倍愛芳菲，不妨鳴鶩鷁。他年都門歸，寧昧始終計。

澄虛閣

箇圃隔囂紛，閑來衣練裙。檻邊生靜意，水底見微雲。  
斜照迴晴景，幽芳襲薄薰。主人多賦詠，不減沈

林文

舟次泗上逢黃令因以詩送



向曉入汴尾隔河聞人聲得聲不得貌問識舊時  
名泊舟忽來及袖詩多賢英言除丹徒宰暫作七  
閩行東南幾千里日夕挂帆輕渡江旆已老未足  
助杯羹最知便道出先見縣人迎

依韻和許發運游泗州草堂寺之什

入寺豈緣齋阮公方詠懷心將超紫府手欲拍洪  
崖雲霧波初淨塵埃鑑已指但能傾玉醕不假列  
金釵遠客歸空速千櫓密自搖醒論時事正醉戴  
野巾喞風俗通吳楚清渾見汴淮遙知香刹外獨  
與賞心諧

依韻和許發運真州東園新成

疏鑿近東城蕭森萬物榮  
美花移舊本黃鳥發新  
聲曲閣池傍起長橋柳外橫  
河渾遠波漲雨急斷  
虹明雲與危臺接風當廣廈清  
朱髻看自躍翠栢  
種初生香草猶能識山苗未得名  
南峯及西嶺常  
共酒盃平



宛陵先生文集卷第十三

禁中瑞竹

和集英殿秋燕

啼禽

汴堤題鳥

與王正仲飲

記與王正仲舍第飲

紹巖上人寧親

送王殿丞

慈氏院假山

夜與隣幾歸

夢游嵩山

雪中聞宋中道

和江隣幾詠雪

送張遂州

送周寺丞宰新鄭

送余郎中知鄭州

送胡都官知潮州

送晏太祝之宣城監稅



送張正臣赴泰州幕 月下懷如晦宋中道

願嘽 和司馬學士祀事

同蔡君謨江鄰幾觀畫

上元夜雪有感 上元雪

送李學士知廣安軍 送王推宰上洛

送信安張從事 送陳州張從事

目錄終

宛陵先生文集卷第十三

禁中瑞竹同本異莖

孤竹二君子聖人知獨清但將奇節並何用首陽名

依韻和集英殿秋宴

殿幄陳金石宮梧集鳳凰侍臣嚴虎帳法袞被龍章  
九穀初登稔群黎共樂康宴盤犀作鎮舞綴錦  
成行玉椀盛冰滑紗籠奏饌涼廡深容小語槐密  
漏微陽庭立衛兼霍坐尊蕭與張清塵汲瑤井泛  
宇藹天香獸躍緣幢地旗開踏鞠場樓傳紅幘唱



簾隱內家粧鷓鴣攫魯無強  
馬帝所翠為觴萬國趨王會  
諸公佩水蒼螭頭左  
史筆陞楯半更即雅著明時  
樂需言盛德光添花  
慕平一賜菊異元嘗身已陪  
多士心寧媿下鄉薄  
才何所補歌詠播殊疆

啼禽

益重未成絲破袴勸可脫  
安知增羞顏赤脰衣短  
禍

汴堤鷺

古堤多長榆落英鷓眼小  
其下迅黃流其上鳴黃

馬安知舟中人黑鬢青已少  
千里歸大梁玉筍  
研窈終朝不成曲幽響在  
林表莫羨沙路行金鞭  
馳裊裊

四月二十七日與王正仲飲

我來自楚君自吳相遇汎波  
銜舳艫時時舉酒共  
笑樂莫問罍盎有與無醉  
憶曩同吾永叔倒冠落  
佩緣西都是時豪快不顧  
俗留守贈榼少尹俱高  
吟特去擁鼻學雅闋付唱  
纖腰殊山東腐儒漫側  
目洛下才子爭歸趨自茲  
離散二十載不復更有  
一日娛如今舊友已無幾  
歲晚得子欣為徒



四月二十八日記與王正仲及舍弟飲  
孟夏景苦長與子舟中飲酒行三四巡病嘔聊就  
寢神民又發霍洞下忽焉甚湯劑不能勝悶絕口  
已噤我嘔雖未平驚走豈違枕叫號使呼醫子怪  
亦莫諭遽白何至斯萬方推小品且尤食物間膈  
腥失調節所餉惟猪雞况此乏箇葦以子獨無恙  
未必因滑潘補覺陽脉回慄膚猶瘰瘰儻其遂不  
起孰肯謂素業吾鄉千里遙幸免成貝錦

紹巖上久寧親

雨教禁足不出戶盛夏畏踏蟻蹤赤日去赤白

工律曷若冠帶共甘澆

送許州知錄王殿丞

霜花如鵠毛萬里點枯槁曉入蓬池道寒侵蘇合  
袍重來社櫟長舊寄里門高去事黃丞相無辭執  
板勞

慈氏院假山

風濤春斷越山骨聚集奇險成千峯碧甕爲潭立  
涎石直疑崑底藏蛟龍

夜與鄰幾持國歸

紅塵夜不息橫衝若煙霧朝見車馬來暮見車馬



去車中目炯炯馬上情遽遽交相知是誰飛先無  
覓處

十月晦夢游嵩山明日訪宋中道見次道  
寄宿岳寺

忽夢嵩峯下同游失姓名山腰荒輦道崑崙落泉  
聲黑石文難辨蒼苔蹟易成他時傳洛詠知是陸  
雲兄

十一月七日雪中聞宋中道與其內祥源  
觀燒香

三日不相見逢人問始知同車侵朔雪臨水拜靈

龜絮撲鴛鴦帶花團蛺蝶枝如何東郭叟足迹自  
穿綦

和江鄰幾詠雪二十韻

十一月將雪寒誰計有無雲橫浪鵬翼霞集泣蛟  
珠萬里風為使千門玉作樞縞衣來自鄭濤鬢卷  
從吳積甲間熊耳觀鵝入越都庭槐高臃腫屋蓋  
素模胡騁巧能藏醜論功解飾枯巢禽皆白鳳來  
獸必騶虞渣俗休誇豕燕丹久望烏袒裘無藉臂  
附火念焦豔歌竹休玉滿餐毛活使蘇亡羊何可  
問別鶴不應孤靡密同脂網紫回似舞姝漸深由



片片取重本銖銖日月方  
照乾坤不辨隅雖輕  
自相壓更繁亦終渝  
飢流徑幽谷游龍脫勁鬚  
佳人調蜜蔗公子擁貂狐  
共是空囊裏客曾非暖席儒  
黃昏特過我興與灞陵俱

送張遂州

華省名郎意若西相如  
橋柱舊曾題已將符節為  
邦守不畏關山入馬蹄  
千里過秦看素滻三年還  
蜀度青泥里門錦綬何  
為樂外奉嚴君內阿婆

送周寺丞宰新鄭

仲冬吉祖征曉月在環  
映京水生層冰梅山見殘

雪縣庭槐已古堂壁碑未缺  
惟吾故交意贈子以

為別尹師魯有  
志古堂記

送余郎中知鄭州

西接都門繞百里墜城殘  
雪照牙旗風煙古是諸  
侯國鴈鴛新來僕射陂  
餽食且依當日具鑄刑無  
改昔人為濃薰舊舍青綾  
被不越常衙睡足時

送胡都官知潮州

自昔揭陽郡刺史惟韓  
恢韓侯初來時問吏瀧水  
頭到官論鱷魚夜失風  
雨湫乃知抱正直異類尚  
聽謀潮雖處南粵禮義無  
遐陬勿言古殊今唯在



政教脩適聞豫章士勇往登犀舟不畏惡溪惡壘  
鼓齊歌謳遠持天子命水物當自囚更尋賢侯跡  
書上揭陽樓

送晏太祝之宣城監稅

每愛昭亭傍清灘石可數兩岸脩竹林孤城嚴晚  
鼓自辨越人言難瘦楚鄉語郭門春聚船江賈無  
多取

送張正臣赴泰州幕

敲冰冰未泮塞河流玉段輕舸莫言遲古城滄海  
畔春臯蘭蕙茁晚井魚鰾亂時平無羽書此樂異

王粲

月下懷裴如晦宋中道

九陌無人行寒月淨如水洗然天宇空玉井東南  
起我馬卧我庭帖帖垂頸耳霜花滿黑鬣安欲致  
千里我僕寢我廐相背肖兩已夜深忽驚魘呼若  
中流矢是時興我懷顧影行月底唯影與月光舉  
止無猜毀吾交有裴宋心意月影比尋常同語  
默肯問世俗子

顛噫

上辛祈穀  
為獻官

猛虎不獨宿鴛鴦不雙棲虞舜游蒼梧帝子夜向



瀟湘啼時旣禪禹妃亦老老淚洒竹無高低流根  
及筍駁紅蘚此情乃與天地齊我今齋寢泰壇下  
佗祭願噫朱顏妻

和司馬學士上辛祀事出郊寄馮學士

侵曉度南薰禁鐘猶可聞春郊微有霰上苑稍藏雲  
齋館人相望官橋路已分寧同鳥鳥樂翔集自成  
群

同蔡君謨江鄰幾觀宋中道書畫

君謨善書能別書宣獻家藏天下無宣獻旣歿二  
子立漆匣甲乙收盈厨鍾王真蹟尚可觀歐褚遺

墨非因橫開元大曆名流夥一一手澤存有餘行  
草楷正大小異點畫勁宛精神殊坐中鄰幾素近  
視最辨纖悉時驚吁逡巡蔡侯得所得索研鋪紙  
纔須史一掃一幅太快捷檀溪躍過瘦的顯觀書  
七畢復觀畫數軸江吳種稻圖稻苗秧秧水拍拍  
群鷺矯翼人荷鋤陂塍高下石籠密竹樹叅倚荆  
籬踈大車立輪轉流急小犢欺顧稚子驅令人頻  
有故鄉念春事况及蠶桑初虎頭將軍畫列女二  
十餘子拖裙裾許穆夫人尤窈窕因誦載馳誠起  
余余無書性無田區美人雖見身老癯舉頭事事



不稱意不如倒盡君酒壺

上元夜雪有感

去年昭亭陽今夜苦風雪及雪在京城宵燈亦將滅  
石花廣袖輕梅蕊新粧絮忽忽競還家陌上亂車轍

上元雪

春雪如蝴蝶春燈如百花漫漫飛不已愁殺千萬家  
我今無復夢擁被讀南華

送李才元學士知廣安軍

楊柳不堪折柔條時倚巖朱輪過灞上杜宇響襄

中危棧憎春雨晴林發曉紅不須言蜀政當自學  
文翁

送王推官宰上洛先歸關中

跨馬獨歸日春風隨度關客裘將欲綻社燕亦同還  
洛水源邊邑秦人隱處山君家有鳥鳥切莫向雲間

送信安張從事吉甫兼寄白使君

西洛故人少世家今亦稀  
君能及祿過我苦言歸  
游宦長城下生涯舊國微  
使君應借問出處竟多違



送懷州張從事仲賓

行色在車馬西亭新雨過移家從上黨佐幙向三  
河皂莢林初暗黃梁酒未和七賢無復有舊迹尚  
應多

宛陵先生文集卷第十四

宛陵先生文集目錄卷第十四

和李廷老會飲

江鄰幾邀飲定力院

送中道省親

寄西京宋學士

送晁殿丞

重送宋中道

送何鬲主簿

和永叔見寄

送馬察院

送和州杜駕部

送廣德劉郎中

送洛南周寺丞

賦石昌言括蒼石屏

代寄致仕張郎中

送錢駕部知邛州

文惠師贈新筍

目錄終



宛陵先生文集卷第十四

和李廷老家會飲

四序豈常停寒華春淺和始  
 北愛衣裘輕相與車馬  
 過車馬不畏遠風埃不畏多  
 到門門有槐槐上時  
 鳥歌時鳥歌猶澁主人當謂  
 何南開石榴軒中置  
 飲酒羸食按施黃金饌炙厭  
 心白鵝漢槽槎頭羹吳  
 羹成咄呵既醉或放言扶杖  
 一引駘它縱論或好辯  
 排墨同孟軻日將薄虞淵劫  
 阮策相交摩欲去舉大  
 白酌我苦大苛

正月二十七日江蘇

州幾杜挺之劉原甫貢



甫韓持國邀飲於宅人力院

昨日會飲我後至誰欲比我  
易敗起請便與俗物同似過  
見脩竹中杏爾山河隔千田  
此心正有古人風

送宋中道朝陵仍从公西都省親

西出虎牢關南瞻園廟戟  
帟春風石闕冷曉氣田塗  
陽陌

寄西京通判宋次道學士

當時交友都無幾欲問權姪  
亦異今夜接上林新

水變水分清洛舊池深峨嵯  
墻草又復脩竹千竿白家寺  
昔年題處可能尋

送晁殿丞鄭州簽判

朝離沁水上夕去野亭賒走馬  
沙關雲來雨脚陂岸長蒲芽  
摻搗

重送宋中道

隴草陳根發山櫻宿霧蒸將過  
陵穎道春經兩官溝暗溜水  
為勝



送涇州良原何禹主簿

春風入邊磧二月沙草生胡馬自偷牧漢農寧廢  
耕薄田刈晚穀又餉防秋兵懸版固當重調輕無  
與程

依韻和永封見寄

春風約柳一片西欲託鳥翼傳音稽昨朝偶向東  
城去草草又逢驄馬蹄長髯御史威正峭沙堤來  
坐氣吐霓我乘小駟雖甚瘦喜見驂馭猶解嘶適  
聞南都接大尹笑我出處今何迷恥趨捷徑身已老  
欲至何用頻吹蠶蛟龍失水等蚯蚓鱗角雖有辱

正光山居廢井誰引手豈得更望青雲梯筆鋒勁  
後行或勞餘力曾徹七重犀倦禽雄雌不飽腹日  
暮猶念遠兼接天椿朝菌各有盡此物何怪莊叟  
齊誠知豪林日快樂東郊南陌競鬪雞曾中有道  
無廣狹包括宇宙在一梯何時與公去穎尾湖水  
漫漫如玻璃世間會合固不易况乃仕宦多相睽  
正似郵亭戀行者未到止息空歌驅我貧尚不給  
朝夕焉得負郭置稻畦筋骸幸且稍輕健山水縱  
好無路躋儻公他時買田宅願以藜杖從招携吾  
兒詩書不足教亦以助力於耕犁



東城送運判馬察院

春風騁巧如翦刀先裁楊柳後杏桃園尖作辨得  
踈密顏色又染燕脂宰黃鵬未鳴鳩欲雨深園靜  
墅聲嗷嗷役徒開汴前日放亦將決水歸河槽都  
人傾望若焦渴寒食已近溝已洶何當黃流與雨  
至雨深一尺水一篙都水御史亦即喜日夜順疾  
回輕舸頻年吳楚歲苦旱一稔未足生脂膏吾願  
取之勿求羨窮鳥困獸易逃逃我今出城勤送子  
沽酒不惜典弊袍數途必向睢陽去太傅太尹皆  
英豪試乞二公評我說萬分豈不益一毛國給民

蘇自有暇東園乃可資遊遨

送知和州杜駕部

桐花欲開時群囀爭哺兒但求黃口飮焉問丹穴  
飢常山有四鳥將飛昔已悲中間勿殞逝豈得安  
其枝一飲必屢顧每啄必遲遲今朝竟矯翼去向  
江之湄銜芹不自食欲遺孤與雌此義實已重莫  
為臬所嗤世俗多嫌忌我胡為此詩此詩羨孝悌  
持贈杜挺之

送劉郎中知廣德軍

昔在少年時辛勤事諸父諸父為桃州物宜皆可



數事君勤職貢采茗先穀雨劭農井田桑科薈重  
鋤斧城西大靈祠措意初似禹將通吳境河身自  
同豕伍期婦來餉時壇上必鳴鼓一為烏所誤愧  
恨去不觀至今存遺堤五丈立堅土正如開轆轤  
黃熊慙落姚功利欲及民血食宜簋簠祠後有高  
山山頭攢棟宇此實諸父為禾麻可就俯歲登有  
樂事或亦作歌舞賦詩當清明解襖思洛浦其言  
在黑石徃徃被樂府于今三十年追想漸成古公  
將乘朱輪去問民疾苦治術自有具薄言無所補  
缺將陳迹書又且劇莽鹵

送洛南周寺丞

家在華山

將去洛南宰日聞庭下松亂山端四隱舊壘隔三  
峯狹谷車能入春林雨易逢地多耕與漆貨必厚  
於農

賦石昌言括蒼石屏

括蒼黃石屏樹如濃墨寫根深稱條葉生意絕蕭  
洒或聞造物手立意先真假拍是龜漫摹能同自  
然者天下莫復言物亦逢知寡

寄致仕張郎中

門榮世美高天下身退心閑住洛陽畫鶴能同薛



少保愛書還比蔡中郎花陰小酌呼隣父月下清  
吟掃石床不問從來生計薄題籤盈閣是家藏

送錢駕部知邛州

細雨梅初熟輕寒麥已秋路危趨劍道夢穩過刀  
州秦粟非吳食巴粳類越疇當墟無復舊試似長  
卿求

文惠師贈新筍

劉累死龍不馴世間士不識真有真物實去人或  
在山亦隱鱗或多孫出水濱奮雷轟轟萬里春厚  
土坼裂窮螯振牙甲戢戢不可數削掘誰怕天公

噴煮之按酒美如玉甘脆入齒饒流津荆吳易得  
梁宋少二年不食思無因豈意今朝忽有遺不忍  
獨饗呼吾鄰

宛陵先生文集卷第十四



宛陵先生文集目錄卷第十五

觀何君寶畫

送任太博歸省

送張學士知洪州

觀楊之美畫

李審言遺酒

送邵郎中知潭州

送楊叔恬

送洪州倅何太博

見賣瓠者

和鄰幾景德避暑

送趙諫議知徐州

送邵戶曹隨侍

哭韓舍人五首

高平公挽歌三首

歐陽郡太君挽歌

和石昌言求筆

邃隱堂

讀永叔撰薛雲衛碣



和昌言蜀牋答松管

送楊叔武廣南招安

走筆戲邵興宗

送李中舍宰南鄭

送王察推之鄧州

戲酬高負外鯽魚

送何學士知漢州

和達觀師聞蟬

和杜相公謝蔡君謨茶

和接花

送石昌言學士

書南事

送吳都官還江南

馮子都詩并序

赴庾直有懷

采茨

史氏南軒

送陳脩撰

和寄宣州廣教文

送陸學士泰州倅

送徐秘丞知梁山軍

和秋夕對月

目錄終



宛陵先生文集卷第十五

觀何君寶畫

燕馬易畫吳牛難圖馬骨隱細牛骨麓馬毛要密  
牛毛疎麓跡必辨別細密多模胡乃知戴嵩筆能  
出韓幹徒幹馬精神在韁勒嵩牛怒鬪無牽拘昨  
日何家觀小軸絹雖破爛色不渝二頭相觸角競  
倚前脚如跪後脚舒尾株榻直脊脅感筋力寫盡  
蹄腕殊一勝一敗又苦似勝者狠逐敗者趨卷窮  
赤印置小字置字乃是陶尚書尚書國初人愛畫  
收幾厨買時不惜金與帛帛載羊車錢載驢後世



兒孫不能保賣人窮市無須更凡目矜新不重故  
千錢酬直皆咲愚四牛遂為何氏有裝背入眼天  
下無坐中吾儕趣已異又喜玄女傳兵符此本實  
稱閻令畫下筆簡細容顏姝三人鬼狀一牛首八  
女二十美丈夫黃帝中間蔭葩蓋霞扇錯玳旌擁  
朱冠服難知歲月遠但見儀衛森清都復觀鹿臺  
獨夫受妲已不笑何由娛酒池肉林騎行爲剖心  
斷脛堪悲吁數幅吳王宴西子綵舟張樂當姑蘇  
宮娥數百簇高下鬢髻一一紅芙蓉危峯細浪傳  
平遠前對洞庭傍大湖商紂夫差可垂誠歷世傳

玩叅盤盃鵬鷹草木不足記特詠此事心何如

送任太博歸省西都

人言少保持家謹載見西京萬石君子舍今歸浣  
裙切里門重戒下車勤田園一一能為計僮僕訢  
訢亦有聞我負洛陽山水久試因行色寄嵩雲

送少卿張學士知洪州

朱旗畫舸一百尺五月長江水拍天穩去先應望  
廬岳暫來誰復見龍泉閣經吏部重為記山識吳  
王舊鑄錢往迹可尋軍士少贖書遺說附青編

觀楊之美畫



天官乘車建朱旗赤幡前亞風卷披二龍緩駕蒼  
髯垂印箱傍挈文籍隨雙驂推軌如畏遲行從冠  
服多威儀水官自有真龍騎兩佐並跨鯨尾螭步  
趨羣吏怪眼眉雲生海面無端涯雷部處上相與期  
人身獸爪負鼓馳後有同類挾且提次執電鏡風  
囊吹青虵有角魚足鬢上下引道神所施地官既  
失不可知此畫傳是閻令為設色鮮潤筆法奇絹  
理膩滑雞子皮吳生龍王多裂隳八軸展玩忘晨  
炊李成山水曉景移黃荃花竹雀擁枝韓幹馬木  
摸搭時神駿都失存毫釐日高腹枵眼皆眇遊

獲見何言疲厚謝主翁意不衰他日飽月看無遺

李審言遺酒

大梁美酒斗千錢欲飲常被飢窘煎經時一滴不  
入口漱齒費盡華池泉昨日靈昌兵吏至跪壺曾不  
候報箋赤泥封傾瓦盜毋妻共嘗婢流涎隣家  
葡萄未結子引蔓垂過高墻巔嘗街賣香已黃熟  
獨堆百顆充盤筵老年牙跡不喜肉况乃下箸無  
腥膻空腸易醉忽酪酏倒頭夢到上帝前賜臣蒼  
龍跨入月不意正值姮娥眠無人采顧傍玉兔便  
取作腊下九天拔毛為筆筆如椽狂吟一掃百篇



其間長句寄東郡東郡太守終始賢劫莫汲竭滑  
公井留釀此醕時我傳

送邵郎中知潭州

張鏡疊吹洞庭外綠虎帶刀蠻帥迎且諭漢家綏  
撫厚莫言湘守事權輕才奴洲近霜色熟班竹林  
昏野鳥鳴賈誼宅邊寒井在暫留于騎漱餘清

送楊抃恬應北京辟

昔時見子宛丘下丞相待子知子賢子於文字實  
廣博海容謾估珠盈舩欲賣明月一寸魄雖豪木  
有售以錢或通都大邑忽辨寶直取不犯驪龍涎

作照乘物矜夸魏人前從茲十二車光彩生從先

送洪州通判何太博若茶先婦新淦

拜官江上客乘馬不乘舩獨畏蛟龍浪將婦風雨  
天葛花侵野徑源水入腴田君住巴丘下西山道  
路連

五月七日見賣瓠者

老圃奪天時馬通為煦嫗四月彼種瓜五月此賣  
瓠陽陂與糞壤功力且異趣瓜遲瓠何早豈不同  
雨露速利乃在人爭先無晚暮

和江鄰幾景德寺避暑



蛭蟻不應雨鳴鳥不生風  
鬱氣若飢炊初陽如火  
紅髀膚汗交流脂體膏  
將鎔龍頭費挹酌犢鼻強  
遮蒙常畏俗物來去避  
書畫宮殿鋪琉璃高簷  
蔭梧桐廊壁畫地獄獄  
具鑊鋸春鐵城何熾熾鐵  
床亦彤彤誰知炮烙死  
活間傳自西域黃面翁  
正類人世苦此熱聲利  
役使亡西東京師貴貨  
幾椽舍窮煎相似聒欲  
龍耳屋頭朝饜作飲食  
枕底夕艾驅蚊蟲宜爾  
近巷江夫子賦詩特壓  
塵土中

送趙諫議知徐州

及

鹿車幾兩馬幾匹  
軫建朱幡騎鼓弓  
雨過短亭玉

斷續鶯啼高柳路西東  
呂梁水注千尋險大澤龍  
歸萬古空莫問前朝張  
僕射毬場細草綠蒙蒙

送邵戶曹隨侍之長沙

青袍會稽掾采服湘江  
行水館魚方羨犀舟枕  
自清鷓鴣啼欲雨蟬螻  
見還晴風土雖卑濕醇  
醪可養生

晨起裴吳二直講過門  
云鳳閣韓會人物  
故作五章以哭之

平生交友淚又哭  
夜門前魯叟不言命  
楚人空問天月沉  
滄海底屋隕太微  
邊莫恨終埋沒  
文章自



可傳

使虜嘗事對江湖謫幾年始看還近侍遽此隔重  
泉沃酒酒空滿託詞詞謾傳視予猶手足莫怪獨  
潸然

筭數曾無據仁人亦莫聞狼愚多至老蘭桂苦先  
焚不竟千秋恨還如萬里分臨風一號慟易散日  
邊雲

昔時賓宴地今見總幃遮樓室那因鵬從五不為  
虵曾無越人術竟起漢臣嗟明日東城陌悲涼後  
部筵

曉陌行車過交相歎且驚荀龍聞一蛭穆駿失全  
鳴不復中書直空餘左史成緒言猶在耳尚想見  
平生

聞高平公殂謝述哀感舊以助挽歌三首  
文章與功業有志不能成嘗以濟高位終然屈大  
名遺風猶可見逝水更無情埽上青烏壠韓城苦  
霧平

京洛同逃酒單袍跨馬歸明朝各相笑此分不為  
稀公既參鑪冶子將事蕨薇悲哀無以報有涕向  
風揮



一出屢更郡人皆望酒壺俗情難可學奏記向來  
無貧賤常甘分崇高不解諛雖然門館隔泣與衆  
人俱

歐陽郡太君挽歌二首

夫人有賢子往歲謫夷陵欲使無愁鬱怡然見寢  
興外詞陽磊磊內畏實兢兢濟壽復終貴共為時  
所稱

當時丈夫歿雖少守孤兒以及成名譽何嘗厭疾  
藜暮年終饗福陰隲不應欺莫使碧江上獨傳陶  
母碑

依韻和石昌言學士求鼠鬚筆之什鼠鬚  
鼠尾者前遺君謨今以松管代贈

江南飛鼠拔長尾勁捷頗勝中山毫其間又有蒼  
鼠鬚入用不數南雞毛二物緩急豈常獲捕刺徒  
爾操螿刀舊歲已贈蔡夫子報君松管何蕭騷

邃隱堂

大梁車馬地塵土飛百尺賢愚走其間朝暮不見  
迹北望天波門垣垣宗室宅宗室令王孫愛書輕  
玉帛華宇何深沉但聞列圖籍曲房有窈窕空自  
事眉額體胖生粹和安石處品石古來為善樂豈



以歌鍾適

讀永祚所撰薛雲衛碣

文章如塗金光彩發美器所宜玉石間模寫傳千  
祀堅堅孝子心森森栢庭閔豈與石麒麟原傍闕  
蒼翠

和石昌言以蜀牋南牋答松管之什

蠻牋抽轉龍鱗細秋兔束毫雞距尖楊子校經聊  
以贈蜀麻江楮報何嫌

赤蟻辭送楊玆武廣南招安

南方赤蟻火若象潛荒穴洞人莫逢天公合

決雨從橫亂出將自封侵壇凌壤壞城市戰鬪億  
倍南柯雄嘗聞穿山食此物此物既大非常凶張  
舌流涎莫可餌枉啄不怕長戈舂今令智者以智  
取即見蠃醢傳太宮因而使知禍福理天子下令  
雲從龍

走筆戲邵興宗

子魚一尾不曾有又諾毗陵蒼鼠毫細粒吳粳誰  
下咽尖頭越管底能操

送李中舍襲之宰南鄭

莫門襄中道路難襄陽直上幾重灘蒼煙古栢漢



高廟落日荒茅韓信壇出水榭頭一絲挂穿虹兩  
脚兩橋殘土風大抵如南國期會先時俗自安

送王察推績之鄧州

昔向南陽憶洛陽秋橙初熟半林黃車過白水沙  
痕闊鴈落鉗盧稻穰長廢壘漢碑金刻字古原秦  
冢石為羊太平羽檄何曾有賓主相歡菊薦觴

戲酬高負外鯽魚

天池鯽魚長一尺鱗光鬣動楊枝磔西城隱吏江  
東客晝日馳來奪炎赫冷氣射屋汗收額便教所  
膾傾大白我所共樂仲與伯羨君赴約笑

扇已見飛鸞翮欲往從之雲霧隔

送何濟川學士知漢州

丞相初得君有志重儒術乃言天下士徒此占清  
快遂懲銜鬻人忝冒十八七進君天祿閣此衆為  
第一又薦王張韓恬可與君匹吾儕宜慙羞空自  
預朝鞞欲歸無田園強住枉歲日值君乘高軒西  
望函谷出當時迎長卿書史傳未悉車馳及極負  
千萬今可詰老農喜君來田租不安率織婦喜君  
來謙機當俟畢府胥喜君來替責去暴扶疾苦無  
不求前人唯法律書錦榮既淳康民美方溢真為



丈夫志豈是名過實  
依韻和達觀師聞蟬  
飲餘晨露吸餘風  
噪遍高枝為俗籠  
欲比伯夷清已甚  
不食周粟腹常空  
天子歲嘗龍焙茶  
茶官催摘雨前牙  
團香已入中都府  
鬪品爭傳太傅家  
小石冷泉留早味  
紫泥新品泛春華  
吳中內史才多少  
從此莼羹不足誇

依韻和接花

唯是圃人巧  
非關元化偏  
折條違物理  
遷艷得

權羨女嫁寒壻醜  
林生孤妍世間多  
妾合吾不謂之然

送石昌言學士

混混拍堤瓜蔓水  
軒軒街尾挂檣船  
使君東下只朝夕  
父老走迎無後先  
古堞秋耕拾銅鐵  
長淮瀑雨入壕蓮  
鳴猿舞鶴仍持去  
不憶承明夜直眠

書南事

大梁國南門駟騎方  
騰超波波一何急  
蠻寇圍番禹番禹本  
無備前賴魏大夫  
大夫築子城今得守  
以須兵雖不滿萬  
閉壁堪指呼老幼  
轉木石壯健



操牙弘廟廟得以完日月不易圖城中舊無井魏  
鑿安轉魏自飛語去不使立外郭古稱時有待  
淺薄皆謂與突與爛額看取報功殊  
送吳興鄰都官還江南

霜前江水磨碧銅岸背菱葉翹赤蟲吳郎髮絲倉  
幾縷不差月上扶桑東羞見清波照人影去時黑  
髮吹春風五年歸來婦應喜從此不問西飛鴻

馮子都詩并序

漢霍光愛幸監奴馮子都與梁冀嬖奴秦宮三  
對唐李賀作秦宮長辭亦云子都當時已存不

因補之

黃金畫車屋葦紫綠車輪牽以五采絲藉以刺繡  
茵出入長信宮晝夜將誰親所親美且少玉頰丹  
砂脣殷羅縫輕襦明珠攢緇巾半醉臥車中侍婢  
躡行塵憶昔廣明亭將軍愛怜頻便房不使殉易  
寵在茲辰嗣侯喜驅逐平樂多從賓青絲穿五銖  
累室貯百珍歡與子都異矯與子都均用財糞土  
擲吐氣日月跋天地可齊久禍患豈有因秋風茂  
陵下蒼蘚上麒麟

七月十六日赴庾直有懷



白日落我前明月隨我後流光如有情徘徊上高  
柳高柳對寢亭風影亂踈牖我馬臥其傍我僕倦  
肘窸窣重門扃獨念家中婦乳下兩小兒夜夜  
啼向母問爺若箇邊天性已見厚不嗟羈枕孤不  
愧棲禽偶內有子相意外有月相守何似長征人  
沙塵聽刁斗

采芡

蝟毛蒼蒼磔不死銅盤轟轟釘頭生吳雞鬪敗絳  
憤碎海蚌出真珠明磨沙漉水葦殼滑斫桂煮  
釜風波聲齒如編貝嚼明月曼倩不復飢腸鳴莫

論一斛貴與賤堂上狼藉無由行

史氏南軒

庭中碧石盃上結三重山飛光入酒盃舞翠生鬢  
鬟竹林眠黃鷹莎徑欠白鷗主人無倦情窓戶不  
須關

送河北轉運使陳修撰學士

河隍多宿兵兵食固所須幸時不戰鬪畜養安可  
無古興十萬師七十萬家輟耕鋤今來歲調餉且  
與往昔殊不使民轉輓但使民婦租急緩實塞下  
商賈以利趨關西河東亦如此軍食雖足民賣虛



公乎抱長才當有所畫謨應不貸內府重錦象牙  
明月珠邊城預自足寧待臨帑輸莫令稱庭臣為  
言桑大夫

奉和寄宣州廣教文鑒師

秋池對門蓮子枯野壁剝月鳩涎塗庭中兩株古  
楠樹上有山鳥長相呼當時聯巢接飛者一落梁  
宋一海隅扶桑日枝幾千尺光彩不獨生陽烏

送陸介夫學士通判秦州

從來戎馬地饗士日椎牛介胄奉儒服詩書參將  
謀隴雲連塞起渭水八關流豈似瀛洲下窮年事

校讎

送徐君章祕丞知梁山軍

蒼壁東江流孤軍水上頭蛟龍驚鼓角雲霧裏衣  
裘午市巴姑集危灘楚客愁使君才筆健當似白  
忠州

依韻和秋夜對月

陳王苑裏望空虛吳客風前憶具區橫閣漸看河  
影轉繞枝還見鵲驚無蟲催織婦機成素露逼鮫人  
淚作珠才比陶潛無用處紗巾時任酒沾濡







卷之四